

辛

卯

侍

行

記

辛卯侍行記卷六 自哈密西北經吐魯番至新

秀水陶保廉

哈密古稱昆吾後轉為伊吾

見元和志

漢為匈奴伊吾盧城屬

呼衍王

范著實固傳至天山擊呼衍王追至蒲類海雷吏士屯伊吾盧城漢唐伊吾之名不專屬今之哈

密班超傳

將兵別擊伊吾戰於蒲類海是巴里坤亦為伊吾元和志伊吾軍在伊州西北三百里折羅漫山北甘露

川此川

卽巴爾庫勒淖爾是唐代尙以山北為伊吾也今本舊唐地志於甘露川之川字誤作州又於甘字上空一

格李光弼

漢西域圖考遂謂開元明帝取此置宜禾都尉中匱甘露州在木壘城東北謬矣

漢伊吾城

非今哈密城章懷注實固傳伊吾盧今納職縣伊吾故小城元和志納職縣後漢置宜禾都尉北史薛世

雄於漢

舊城東築新伊吾城蓋唐之伊州卽隋新城當今

廳城左右

納職縣在州西當今三堡左右漢伊吾在納職

界當今頭堡

或二堡地章帝時復屬匈奴和帝安帝遣閼槃班男一

再攻取然匈奴屢來爭破城殺將漢末仍入匈奴魏伊吾

縣晉伊吾都尉並寄理敦煌北界元和志東晉時前涼張駿

取其地復置都尉北魏屬蠕蠕文成帝太安二年遣尉眷

攻克其城孝文帝太和十二年蠕蠕伊吾戍主高羔子以

城內附後魏置伊吾郡地形志無杜氏通典云然旋為鄯善人所據初

善為沮渠無諱及魏兵所破部落分散築納職城元和志胡謂鄯善為納職因名兩屬於鐵

勒新唐西域傳商胡雜居附錄勒及西突厥北史突厥傳隋初伊吾諸胡悉附突厥又按竺勒匈奴之

裔初亦隋大業初裴矩以厚利略伊吾吐屯設善突厥所

置說使來朝煬帝遣薛世雄築新城王威爾戍裴矩共往經略諷諭

日為蕃人交易懸遠所以城耳咸以為然不復來競六年置伊吾郡隋志無而元和志舊唐志並有

隋亂復臣於西突厥唐貞觀四年其酋舉七城降置西伊

州六年去西字天寶初為伊吾郡乾元初復為伊州元和志東

南至上都四千四百三十里西南至西州七百三十里東

南取莫賀磧路至瓜州九百里正南微東至沙州七百里

天山在州北一百二十里管縣三伊吾兩唐志並云南去玉

里形勢與今應城同門關八百里又云東

去陽關二千七百三十里誤也陽關柔遠西北至州二百

與玉關同在壽昌縣何懸殊乃爾四十里天山在

縣北二十里柳谷水有東西二源出縣東北天山南流十

五里合今應城東北二百三十里沁城北有大天生園小天

生園二水至城南合納職東北至州一百二十里縣北俱

流與元和志說正符密山山北正抵蒲類海是今三

堡地也廣德後沒於吐蕃領州者陳氏自唐開元迄宋初傳

數十世或以為五代時屬仲雲族非也石晉高居誨使于

鄉河曰陽關西曰仲雲族小月支遺種牙帳居胡盧磧漢

屯田伊吾盧蓋其地也西行入仲雲界至大屯城仲雲遺

宰相四人都督三十七人侯晉使者西涉鹹磧渡陷河又
西至紺州又二日至安軍州遂至于關保廉按居誨既渡
黨河出陽關西入仲雲界已邁漢人自敦煌至鹽澤之路
豈復折還東北向伊吾城乎胡盧磧者哈喇沙也西域此
名最多哈密有哈喇烏蘇土魯番有哈喇和卓羅布祿有
哈喇庫爾古時統稱胡盧磧非專屬伊吾居誨云蓋其地
也是磧中有伊吾屬地未必謂胡盧磧即伊吾也伊州有陳
氏爲將何來宰相大屯城蓋即新唐志蒲昌海南之七屯
城疑樓蘭衰微小月氏種自南山來有其國陷河即且末
水紺州蓋今卡燭唐元契自西域運太宗令鄯善迎於沮
末至石晉時驛 雍熙以後并屬西州阿薩蘭回鶻元時稱
道未盡廢也

哈密力屬火州之畏兀兒

元史巴而朮阿而忒的斤傳

後以封宗室

王喃忽里

明史哈密傳元末以威武王納忽里鎮之尋改肅王然元史諸王表出伯大德十一年由威武

西甯王進封肅王延祐七年喃忽里薨封初未嘗爲威武
王若肅王則爲寬徹天厭二年封非喃忽里也宗室世系
表喃忽里之叔父曰亦憐眞八的王明史赤斤傳濮英西
討獲肅王亦憐眞則鎮哈密者爲肅王哈密傳所云安克

帖木兒未必是明初稱哈梅里西域回紇來貢者多爲所
附忽里之弟

通洪武二十四年涼州總兵宋晟討之晟傳云去肅州千餘里禽其

王列兒怯帖木兒哈梅里傳云斬喇王別兒怯帖木兒其

西討而晟傳言禽其王當是未斬又按列兒怯帖木兒疑

即安克帖木兒同居之諸王兀納失里蓋元亡後流寓者

也是否斷王永樂二年封安克帖木兒爲忠順王迤北可

汗鬼力赤鞬韃之首見鞬韃傳李毒死之兄子脫脫嗣四

年立哈密衛授頭目十九人爲指揮等官明年頭目作亂

命宋晟發兵防禦八年脫脫卒封從弟免力帖木兒爲忠

義王宣德元年卒命脫脫子卜答失里嗣忠順王年幼以

回回

大食國種

一畏兀兒

吐谷渾種

一哈喇灰

西州回鶻後之種

頭目不

相統王庸懦莫能制正統中瓦剌酋

即衛拉特準部

數侵之天順

中王母主國迤北酋札加思蘭襲破其城王母率部落南

走苦峪

今安西州東南

成化初還故土以脫歡帖木兒外孫把塔

木兒為右都督攝王事八年為土魯番速檀

猶言盟主也

阿力

所破復徙苦峪十八年其王罕慎

巴塔木兒子額氏利病書云王母外甥畏兀種

規復哈密八城宏治元年土魯番阿黑麻襲殺罕慎五年

訪求忠順王族人陝巴於安定衛納之六年阿黑麻襲執

陝巴八年甘肅巡撫許進自羽集也川

赤斤河舊名西番吉木此其轉音

師倍道拔其城民窮難守散走苦峪及瓜沙州正德八年

王拜牙郎

陝巴子

爲土魯番脅降經略彭澤厚賂番酋索歸

城印不果嘉靖中瓜沙肅州屢被番寇廷臣借以傾疆吏

番酋滿速兒益驕許之通貢閉嘉峪棄哈密後有回回都

督寫亦虎仙之姪婿米兒馬黑木爲之長蓋土魯番所立

非忠順王裔迨隆慶萬厯猶比歲一貢天啟以後準噶爾

強逐土魯番所置哈密城長而額魯特諸蒙古遂來雜處

詢諸耆老云然哈密遺民之南徙者分立伯克

猶言頭目也

五人於瓜

州采金以事準酋聞與中國通市仍稱哈密

國朝順治四年哈密畏兀兒都督入貢請給敕印

祁氏藩部要略

作輝和爾東華錄作畏兀國都督帖木耳卜喇

六年甘州回將米刺印反其黨丁

國棟跳據肅州糾合塞外莠回立哈密酋巴拜之子土倫
泰爲王遊擊張勇攻克之斬國棟土倫泰及哈密都督和
卓哈資纏頭回都督琥伯峰哈喇灰都督茂什爾瑪密畏
兀兒都督常胡里左都督帖密卜刺紅帽回右都督恩克
默特等遂閉關卻貢康熙三十二年準酋噶爾丹自烏蘭
布通敗後欲就食哈密昭武將軍郎談奏請討哈密延議
哈密納賦於準部有年擊之不仁遣回子諭之三十五年
副都統阿南達出塞伯克額貝都拉奉表降明年遵
密旨誘執噶爾丹之子尋獻玉門瓜州諸地請
頒敕印世守哈密

上嘉其誠賜印璽章服立爲一等札薩克用其俗稱之達
爾漢號以其子郭帕爲伯克率百人屯肅州俾貢使及互
市得休息三十七年遣官赴哈密編旗隊設營旗章京參
領佐領各員於是哈密民始返故土眾伯克統歸一主哈
喇灰畏兀兒各名幾泯概稱纏頭回云舊說謂明季哈密
主來自葉爾羌藩部要略丁國棟叛後閉關絕貢順治八
許十年吐魯番使請貢表署蘇勒禮賽伊特汗仍弗許十
二年克拜齋葉爾羌表以拜城薩噶罕諸地使從表署阿
布都喇汗勇諸表異故克拜曰哈密吐魯番葉爾羌長皆
昆弟其父曰阿都喇汗居葉爾羌卒已久有子九長阿布
都喇汗居葉爾羌次阿布勒阿哈默特汗居吐魯番先二
年卒次蘇勒禮賽伊特汗嗣之次巴拜汗居哈密以得罪
天朝故爲葉爾羌長所禁阿布勒阿哈默特汗子代之次
瑪哈默特蘇勒禮居帕力次沙汗居庫車次早死次伊思

瑪業勒居阿克蘇次伊布喇伊木居和闐前自吐魯番請
貢故表稱吐魯番汗名今以葉爾羌為長故表稱葉爾羌
汗或稱元裔爾蘇勒瑪哈瑪特額敏巴圖爾哈什汗二
十五年復貢稱臣成吉思汗裔魏源謂其時回疆各城有
汗皆元太祖裔蓋康熙中準夷滅之非同教逐之準夷既
滅元裔并執回教或云回回康熙十二年吐魯番貢表稱
之長歸伊犁也
十三年論者謂以摩哈默德成道之歲紀元據克拜言吐
魯番與哈密主同族因斷是回回保廉按西域各城戎種
雜居住往每種立酋一城數酋不相統屬入貢者輒尊其
同種為汗抑異種為臣轉難辨回民之畏教長阿輝甚
於官吏蓋元明之間摩氏教大行各城教長喧賓奪主權
逸其汗汗黨上表則稱元裔教黨納貢則稱回王謂西域
當明季即屬回酋固未可謂盡屬蒙古亦未確惟蒙古不
振後多化為回族矣回回係唐時舊名縱無摩教亦可稱
回部摩教西來襲名曰回畛域未可盡信額貝都拉畏兀
易混此以教奪人國之好巧也
兒種人非蒙非回上溯四世無居葉爾羌事蹟家君曾函
詢哈爾王

世系是否由葉爾羌遠來及明季各部族迄今有無分別
情形王荅書略謂以額貝都拉為受封始祖額貝都拉之
高祖伊薩敏曾祖博啟祖默特雅爾父默特爾特夏伊四
世皆為伯克以上無考然未聞明季由葉爾羌遠來之說
異兀兒哈喇灰同奉摩哈默教衣服亦同初以白巾束頭
故稱白帽回後有用雜色者稱紅帽回各族久無分別惟
統稱纏頭回猶之江南江西統稱漢人而已卑部先世係
白帽回相傳多畏兀兒回子孫其唐代畱居中土改用漢
裝者謂之漢回亦呼回回奉教雖同而習氣懸殊纏頭回
模謾漢回狡猾自來變亂多由彼倡禍也哈密二字乃蒙
古語今纏回沿呼哈木耳卑部行回族文讀康熙四十八
用回字呈京外各省者用蒙古字由來久矣
年額貝都拉卒子郭帕嗣五十年卒子額敏嗣五十四年
策妄阿喇布坦率額魯特二千人攻哈密駐防遊擊潘至
善以二百人助城守肅州總兵路振聲赴援賊聞之道五
十六年修築舊城周四里即同城許雍正五年建漢城周里駐員

外郎掌轉運事以屯耕有效晉封額敏鎮國公七年晉貝子時甯遠大將軍岳鍾琪屯巴里坤議壘塔喇納沁地十年噶爾丹策凌之黨色布騰率眾六千侵哈密員外郎永恆查斯海副將焦景竑有兵一千五百參將韓良弼率山西綠兵八百人禦卻之賊由黃蘆岡繞赴沁城四川提督顏清如防兵四千迎擊之賊敗山二堡遁歸十二年哈密部獻可耕地之錯屯營者

詔別給地畝銀兩及牛具穀種償之乾隆元年撤大軍還署甯遠大將軍查郎阿奏請畱兵五千分屯哈密三堡沙東泉沁城等處五年貝子額敏卒子玉素卜降襲鎮國公

十年晉貝子十三年以前徙肅州金塔之吐魯番回民并

入哈密旗下十八年以賽巴什達里雅等處屯地概與回

民二十一年準部底定舊設汎哨之德都摩垓今名上莫艾在沁城

東北一百五十里圖古里克沁城北一百餘里二地罷戍以與回部二十三

年玉素卜率所部兵從大軍討二和卓木授領隊大臣駐

烏什以功累晉貝勒加郡王銜二十四年設辦事幫辦二

大臣及副將設理事通判裁靖逆通判移此為哈密廳隸於安西道並駐哈

密三十二年道員遷駐安西三十七年改屬巴里坤道四

十三年改鑲池道移駐迪化而哈密屬鎮西府後隸於鎮

迪均駐漢城二十八年以玉素卜為葉爾羌參贊越三年

歸奏稱哈密生齒繁請分五百戶屯田伊犁玉素卜卒于

伊薩克襲爵三十八年授領隊大臣赴伊犁轄回屯四十五年卒子額爾德錫爾嗣五十三年

詔以郡王銜貝勒世襲罔替不必降等承襲嘉慶十八年額爾德錫爾卒子伯錫爾嗣道光十二年晉封郡王同治三年以助開渠土加親王銜署理哈密幫辦大臣既而南北路各城叛黨四出煽變八月二十九日夜半哈密漢裝回回馬兆強馬環等焚掠附城街市郵莊辦事大臣文祺新授烏魯木齊提督文祥副將王德溥及郡王所部回丁出戰斬兆強等千餘人餘黨跳走圖古里克郡王蒙賞用黃韉九月初二圖古里克回匪馬添才收稅局吏役

及漢人七十餘家南攻沁城郡王令章京巴海守備趙英
傑追捕至北山板房溝斬添才父子四年二月郡王患隴
右道梗奏稱由肅州東歷蒙古漠南地至山西歸化城往
還可百日請山北轉饟然臺站舊在漠北蒙古力疲不能
增設時哈密協標兵僅五百餘人安西協援兵二百人不
足分守纔回及漢民團丁雖眾未習戰陳吐魯番叛回數
來誘五月回匪黑老哇纔匪蘇布格等反辦事大臣札克
當阿中彈死賊毀漢城入回城脅郡王不得自便初肅州
護總兵德祥許以千人來援而肅回亦叛不克分兵五年
六月巴里坤總兵何瑄令遊擊凌祥來救攻拔回城賊遁

吐魯番

時兵餉阻塞日用糧食窮費牛羊銀米等物皆郡王率屬搜括捐助七月

詔文麟為辦事大臣奎昌為幫辦道遠不果來

文麟丁憂在肅州管

糧臺奎昌爾凌祥為哈密副將郡王奏請由烏里雅蘇臺

將軍機召明安郡王蒙兵五六百合巴里坤滿漢哈密

總兵共攻吐魯番又數令人至肅州請提督成祿出塞皆

不果時科布多參贊奎昌以防兵不敷亦請調明安部兵

旨促令出關以肅州高臺賊盛飾詞逗遛至是令副都統

明春率一營北來復因安西玉門被賊擾不能供應車馬

遂巡九月不行

命副都統景廉為幫辦以留翼迪西道塞奏請暫留

在肅州

軍穆圖十一月繼前蘇布格率南北各城通光

繼回呼漢裝回之稱

多蘭南路總同寄居北路者之稱亦呼塔爾池四五千來人來侵凌祥以民勇三

千伯克夏斯勒以纏回五千人往禦覆沒於柳樹泉被三

傷隻身越山次日郡王收殘兵二千人決戰於頭堡大敗遁後歸肅州

賊虜郡王至回城明年正月罵賊被殺

詔贈親王子邁哈莫特襲爵二月何瑄令千總芮林及民

團張和等攻取哈密斬首數百賊奔五堡攻拔之六月民

團孔才守瞭墩從烏龍古河李雲麟所部潰出

朝命屢促成祿文麟景廉速赴哈密文麟於春間募威儀營衣裝糧械支絀難

全景康於九月抵甘州陸續招兵經費無出勸辦捐輸亦難集九月文麟率馬步六營繞

道金塔花海至玉門縣適值肅回屢攻玉門遂留屯焉七

年二月西路賊三千攻定西左營張和於五堡陷其屯賊
薄城西何瑄令趙英傑與孔才擊走之四月文麟景廉令
守備魏忠義以二營屯沁城孔才之定西左營亦隸焉以

絕糧

十月文麟率威儀軍至哈密於漢城西北二里別築

新城

分屯頭堡二堡及城南火燒莊景廉於閏四月至安西

里推蘇臺購買自七月至明年夏肅回八年秋西路回逆

數來侵剽邈不可測副將趙萬海都司張所等設伏柳樹

泉大敗之西境稍安冬景廉率靖邊三營至十年冬赴巴

里坤

時升授烏魯木齊都統往北路規復烏城十二年夏陝回白彥虎率馬賊

五六千自敦煌掠食而北破馬蓮井營分黨東圍沁城北

踞三塘湖多方疲我七月初五官軍戰於蔡湖中伏敗績

回城陷

嚮回王素皮內應

攻新城二十一日逼城築牆以避彈文

麟合營務處誠慶等背城力戰毀其堵牆八月十五放牛

馬誘賊伏兵廢垣邀之斬賊數百塞賊穴城之道悉斃於

隧十九日景廉所遣將吉爾洪額沙克都林札布以援兵

千人至克回城九月破南湖賊壘賊虜親王邁哈莫特西

走魏忠義追敗之瞭墩親王脫歸

王母及伯克家屬被賊劫去光緒三年秋由溫

宿拔還

詔賜白金二萬俾營廬舍冬幫辦大臣明春率健銳軍壁

於新城西北十三年臘月提督張曜率嵩武軍壁於漢城

西南哈密以平光緒七年邁哈莫特卒無子立族人沙木

胡索特爲王沙老也木胡索福也特人也王祖母邁拉巴鈕復以女妻之繼嗣非同乳者皆可成婚

十年罷辦事幫辦二大臣十一年重築漢城周三仍爲副

將通判治城內祇容牙門廟商民數家城外西北隅有鎮番街得勝街直抵新城南門漢人商賈五百

餘以新城爲巡檢治所周里許城北漢人數十家陝甘客回二百餘家親王居回

城應治西二里王府在西門內大阜上極高城內繆回百餘戶深目高鼻言語侏僂文字橫行闊輻皮履乍見疑

是歐洲人繼思歐洲服飾蓋本同回鶻而漸變者也繆回

之殊於歐洲人者口睛黑耳纏婦衣紅袍首蒙巾帆長及

於青女子編髮爲三四辨幼童習經者書之牛骨能誦則

抵而易之某阿琛家有九龍樹相傳龍形無根實則老楊

臥地處處生根支幹糾紛穿垣踰壁蔭十餘丈所轄吐撒拉噶齊伯克二人固山

章京一人梅楞章京札蘭章京各二人牛采章京十二人

分其民爲十二蘇木男女凡六千二百餘口 纔回之稱

哈密皆曰哈木爾

或呼庫木耳

稽古者以哈密爲漢伊吾而不

知哈密之名亦古元和志伊州納職縣北有俱密山是哈密因山得名唐初已然今三堡西北之哈木爾達坂卽古俱密山西戎語哈俱庫克等音均可通用有哈木爾山而知哈密主名尙在池西非可以一城概之也哈木爾卽明初之哈梅里永樂後之哈密衛史官不知土音之爲哈梅里誤分二地猶天方之與默德那耳俱密哈密力哈梅里哈木爾一音異譯非親詢耆老烏乎知之然釋西域土地必先考漢唐時有無此稱往往沿用舊名無意義可釋若

聽彼族斷爲近世回語蒙古語強爲立解

哈密或云蒙語瞭望臺也或云

回語美地也或云沙窩也言人人殊象羆不學妄言妄聽

雖身履其境傳訛更甚乾隆時遊西域者多坐此弊庫車

明係龜茲喀什原是迎師釋以回語轉昧古名

昔人據回語庫車謂

管井喀什噶爾謂各色磚房余屢問龜回云庫車乃甚者

山泉喀什噶爾乃頑民難化之意疑諸說皆未可信以圖古里克爲土胡盧以雅圖庫爲了頭溝泥音定訓尤

俗說之堪噴飯者也

回鶻畏兀兒回回三種人今混而

古別回鶻者唐書謂匈奴部落衰紇散處磧北亦曰烏護

烏紇至隋曰韋紇臣於突厥唐初稱回紇破突厥始強盛

德宗時其汗自請改名回鶻武宗以後回鶻內亂酋長來

降入居中國別部廐特勒居甘州有磧西諸城宋仁宗時
爲西夏所破其散處磧西者後皆服屬於蒙古元史太祖
紀王汗走河西指西夏回鶻回回三國列傳諸臣有回鶻人
回回人畏兀兒人區分類別則顧亭林所云回鶻卽回回
者誤也畏兀兒者本吐谷渾素和貴之裔降於吐蕃居排
衙川亦曰計羅川後訛爲貴和爲畏吾爲畏兀非回紇人
但音近耳宋神宗時王韶取西甯畏兀主懼遷於瓜沙徙
入交河降於西遼封交河王爲畏兀兒國其後亦都護降
於元詳見俞浩西域考古錄引唐趙珣開元十道圖記及
孫承澤元朝典故編年攷諸說力辯畏兀非回鶻而趙子

昂云回鶻即畏吾兒者亦誤也元史世祖紀至元二十一年以河西回回畏吾兒等

充萬戶府達魯花赤是畏吾與回回非一種人也十七年

置北庭都護於畏吾境蓋遠思傳畏兀人世居別失八里

古北庭之地明史安定衛傳其地本名撒里畏兀回回者

兒是自北庭近敦煌以南元明皆稱畏兀兒也

古大食國之種也舊唐西戎傳大食在波斯之西大業中

有波斯人牧隄於俱粉摩地那之山即默德那忽有獅子人語

曰穴中有黑石白文讀之便王果見石上有文教其反叛

於是糾合亡命劫奪商旅據波斯西境自立為王即今亞喇伯地

波斯拂菻皆為所敗永徽二年遣使朝貢其王名嗽密莫

末膩四裔年表永徽時其王名亞得賴有國已三十四年矣一云隋開皇

中大食族中有孤列種代為酋長美國林樂知中西圖彙論談罕葛德係出哥累

斯後有摩訶末者

此云後有則未必是創教之謨罕焉德據西史謨罕後有族孫為王亦用謨罕

名之勇健多智眾立為主開地三千里兼克夏臘

或是亞喇伯或是希

謂之白衣大食十四代後改為黑衣大食至德初代宗

為元帥用其兵以收兩都

肅宗時用回鶻兵蓋其中有大食人

馬氏通考引

杜環

天寶時至西海

經行記大食一名亞俱羅

即亞喇伯

王號蘇門都

謨罕慕德急讀之音

有禮堂每七日禮拜遼史部族表有回回大食

部別載畏吾兒

明史天方傳天方又曰默伽回回教祖馬

哈麻葬焉又默德那傳云回回祖國其初國王謨罕慕德

生而神靈西域諸國尊為別諳拔爾猶言天使也於此可

見回回種族出於大食

纏回但知默伽呼作墨克往謁唐墓者歲以百萬計故其名獨著

時曾并有波斯故亦稱波斯人與吐蕃相攻歐洲人言亞喇伯誅

逐釋伽耶穌之徒威服霍罕印度蓋大食東封直至葱嶺

波斯人信奉謨罕慕德最堅而唐人於兩京諸州郡廣建

波斯寺其教東行實始於唐歐洲人述亞喇伯史云謨罕慕德令其母舅推哈八與幹

葛思至中國唐高祖建寺居之後自廣州返國謨罕已死

諸臣傳遺命云願可備全經布於中國撒哈八復來傳教

從者日眾證諸唐書類書大食波斯之貢乾元初襲破廣

州以傳教互市觀人土地謨氏已然矣唐人西遊者如杜

環所云京兆人樊淑劉訛河東人樂隈呂禮去者接踵流

沙竟成康莊談教於是盛行明史謂隋開皇中傳入中國

似未傳教者來自西方而散處積外及塞內之回鶻自以

爲西人氣類相近又震於大食之兵威天使之美號靡然

風從如響斯應宋元以來中國人因回鶻奉是教遂名之

曰回教其謨罕之民自大食來者則別於回鶻而名之曰

回回元明二史於此二族初未混同也

元史稱西域稱回回者皆指布哈爾

以西地耶律阿海傳從帝攻西域俘其酋長只闌禿下蒲華尋斯干等城又耶律留哥傳於蒲華掃思干城與回回格戰賽典赤騰思丁傳云回回人別庵伯爾之裔又阿喇卜丹回回氏西域茂薩里人伊斯瑪音回回氏西域賓喇人皆世祖所徵回回驍匠蓋其時求礮法廣召西域回回也明史哈密傳有回回畏兀兒哈喇灰三種按哈喇灰即遼史之阿薩蘭回鶻此元明人分別回鶻回回之大概也間有互稱者後人傳寫訛耳惟錯處久則情易洽衣服同則類易化奉教一則勢易合記載少則并

忘其祖新疆諸部未立姓氏豪酋之門絕無書策

國初來貢者忽稱元後忽稱回裔皆譯者代爲捉刀其主亦不知云何經準噶爾之亂遷移分并益不可究詰愚竊

者至不自知其年齒安能識其世系回鶻畏兀回回混無

區別祇分二類天山以南各城土著曰纏頭回雜有匈奴

畏兀大食回回及突厥契回鶻之入居陝甘各省者曰漢裝回大

回鶻之後雜有匈奴氏羌諸種陝甘人因其語言衣服皆

與我同呼曰漢回亦稱小教間有迷回入漢者被族謂之

反教有改從青海蒙古者謂之馱毛達子漢人從回者謂

之隨教回俗敬畏阿渾一呼百應每寺管若干都莊各有

珍域阿渾倚掌教之權得朴責回民有吉凶事必往誦經

平日皆有賄賂金粟畜產無物不納於是阿渾相擠增立

新教名曰繁多以河湟為其大率杜撰欺人詢以謨罕慕

德源流茫然莫曉噪噪焉互爭門戶官若詰問則又合而

抗官其頑甚矣而凡從謨教諸地悉以回字冠之伊吾以西曰回

疆大宛蓋塔什干之對音史記大宛東有郁成王突厥即

耳今龜回呼安集延曰安直成疑即郁成突厥土

其屬賓即卡拔今阿條支亞喇伯國首部黑德倭斯等國

富汗所都條支急呼之為條支為大食等國

曰回部實則謨氏所創經曰可蘭曰甫爾加尼其分派曰

希亞教條支波曰蘇利教突厥大宛新總名曰派喇木巴

爾猶言天命未嘗自稱回教其人自呼曰墨斯兒滿言所

天也歐洲人稱回未嘗自知是回回問名之難以核實有

如是者又天方之稱比默伽於天上乃居中土之回回妄

西域回

哈密歧路無名氏秦邊紀略卷六嘉峪關至哈密路程

也帖木兒及哈喇木提二處某君作

城東八十里下廟兒溝北十餘里上廟爾溝有回王避

達什水說呼八大石七十里芨芨臺三十里烏拉溝五里四屯莊

五里阿敦溝五里照壁溝五里頭道溝二十里沁城稍西

有舊城址東北五十里河灘小堡莊有石城古跡又東北踰塔什嶺一百里上莫艾舊卡訖稱刺梅花泉浙西

一百三十里上古里克一百里土墩子西北經鹽池一百里西安泉一百里奎素驛鎮西廳界若從上莫艾東

北行六十里下莫艾其西距葦子沁城東南九十里胡峽其西北距諾穆湖均一日程

桐窩其南一程為野馬泉又一程一百里墩兒山即馬

折北八十里鏡兒泉一百四十里岷水一百里野馬十里大石頭九十里上莫艾

井一百十里牛圈子七十里蘆草湖七十里伊吾峽呼

鶯窩峽七十里二枝胡桐六十里烏魯木泉其南六十

六十里三道東南七十里離泉五十里十二墩七十里溝安西州界

石墩門五十里小泉南為玉門五十里見牛井一百里之花海

西壩金塔營九十里臨水驛肅州界以上與十月二十九日所記稍異蘇詢諸駝

商罕有哈密北九十里南山口又五里煥采溝有漢碑

惟漢永和五年六月十五日二行日臣雲中沙南侯獲

三行源不可議或云孝廉苗邱烏均張掖長九字或云

侯建字祖奮五十里天山廟班超征伊吾立碑紀功唐姜行

碑文曰師次伊吾時羅漫山蓋伐高昌時分兵屯此刊木造攻具也二十五里松樹塘折

西北八十里奎素折西七十里鎮西廳其西九驛至奇

城今為奇臺縣治又西四驛廳北八十里沙溝峽又八

阜康驛又西二驛新驛省城化城詳八月十八日記二百餘里蘇海

圖又北入外蒙古界喀喇喀札薩克圖汗部凡十四程至烏里雅

蘇臺蘇海圖以北曰海爾罕布拉克曰察罕迭斯曰錫林曰巴爾魯克河折東北曰毛海曰車臣淖爾曰

那林曰伯勒滾曰奎素曰諾爾木垓曰畢齊克淖爾過
札布噶河曰胡吉爾土曰化領諾圖曰烏里雅蘇同治
四年新疆道梗於此
路設臺站事平卽廢

十一月二十一日出哈密南門迎西南行 一里下坡過

嵩武軍舊壘今設折西北 一里過橋二雜樹繞岸急流

不冰總回呼重阿魯重大也阿魯河也出城北四里土坡

巴什蘇水也巴什頭也光緒三年辦事大臣明春建龍王

驍音各廟附以亭樓用備釣遊當時工作皆威儀健銳

軍之力香火道人亦舊部林官旁設明公祠遠像莊嚴無

殊神廟額事德政亦前勢力也其地水木清秀沙磧中得

此亦佳池南出歧流三渠經漢回二城間三十餘里至小

南湖回語名哈拉塔爾會庫中河水又南四十里至大南

湖入於沙河回語名阿里流 一里經回城北門外石額題蒙

浣者猶蒙古所謂渾爾也 同二種文

半里過土橋名得什托拉言有高樓也水漲莊田無餘半

里道左有亭臺係回王祖墓西行又過土橋卽入荒沙

三十六里一顆樹

十里下坡

有荒田之跡

十里

有草而

頭堡住

店

井深六尺

計行六十里堡甚小

僅容一廟

街在堡外

漢人雜居各八家

回

纔回呼其地曰蘇木哈喇灰

新疆識略作蘇門哈喇輝七十一西域聞見錄作素木哈

爾灰胡文忠圖作蘇穆噶爾

蘇木部落也其地在前明爲哈喇灰人所

居也

或譯作因鳥鴉非也

街東南數十丈有土坡向西

徑三尺人立草際頓足水卽上沸蓋枯木敗草朽腐土中

多通水之孔震動之則有氣逼水成泡兩泉匯爲一池池

南桑隄栽柳隄外地低設水磨於缺處下流溉田

一百有二畝水少不能增開散處纔回二十二戶

顧亭林天下郡國利病書卷一百十七引無名氏西域土地人物略蓋前明人所撰地名多與今異方向里數尤不

足據而傳寫脫誤正文小注攙雜失次疑難卒讀今將哈

密西路疏明之如下 原文哈密城下小字曰城北三十

里迷卜哈刺灰

按此即蘇木哈喇灰當云城西六十里其迷字蓋連字之訛作迷卜則與蘇木音近

矣

南三十里畏兀兒把力

按把力蒙古語誠邑也言此地乃畏兀兒人之邑也今漢人訛

其音曰花園兒莊總民因以回語花園之意譯之曰實哈低滑克言爽塏可遊也去題千里莫識其謬大字

曰哈密西十里爲阿思打納城

按今二堡也當云西八十里此下小字

云城北五十里有卜吉兒

按城字指哈密今城東北二百一十里有胡吉爾卡蓋即卜吉

兒也卜吉兒西五十里至阿打納城按北路未必又有阿打納疑是阿納打之倒文

額魯特之對音

又西爲也帖木兒

按蒙語水之長流者也

又西五十里爲刺

木城

按今鎮西應北九十里地名北木城故址

又西有把兒

海按卽巴爾庫勒淖爾海下缺五字秦邊紀略引此云巴兒海子雙

續小字云巴兒山西按當云山又有雙山兒又有鉢和寺城

按卽托和齊之寺西按宜云西南五十里至哈刺帖魄按卽哈喇都伯

今五其西北爲刺木城按此與前所云刺木爲二地此卽拉布楚喀今四堡也秦邊紀略脫

此刺木至哈刺帖魄十里按當云十五里自哈刺帖魄而西有察

黑兒按卽察哈爾和爾輝在風戈壁中有山中霍家城按所云城者未必有城秦邊紀略作

川中雙泉城均無可攷又西百里有中中泉又西百里有雙泉兒墩

蓋皆風戈壁地小字止此下續大字曰阿思打納西爲巴兒思闊按當云西

北過巴又西爲脫合兒城按卽陶賴達坂又西爲北昌按卽關展

里坤界向讀錢塘蘼自珍西域置行省議云哈密可設四縣一附

府一蘇木哈喇城一賽巴什達里雅一塔勒納沁按蘇木

哈喇亥今名頭堡哈密城西無人煙六十里至頭堡始有
纔回二十餘家種地一項有奇乾隆時無屯田賽巴什達
里雅卽蔡湖在廳治東北二十里乾隆時屯田四千畝塔
勒納沁卽沁城在廳治東北二百三十里乾隆時屯田七
千畝今哈密廳其有田一萬一千三百餘畝同王采地三
萬三千七百餘畝縱年而有之不及五萬畝安能分設四
縣餘所擬亦皆臆斷至云在北路者爲風沙邊缺如內地
煙瘴邊缺之例速其升調試問蔥嶺迤東昆侖之墟何一
非風沙邊地安能悉副升調之願耶曩氏又侈言屯墾不
知塞外戈壁錯雜可耕之地零星分散風勁氣寒沙性
漏山雪夏融乃有渠水十里五里潛入地中或經流略長
而旁皆沙石或土非磽瘠而灌漑無資策名軍籍者志在
輕一死以圖金帛萬里而來豈作田舍翁想謫戍之徒習
於遊惰勒合力穡輒思潛逃纔同生計瓜果與牛羊參半
粟麥非所重有餘力則藝之蓋畜牧簡易不憂水旱習俗
相沿斷難概繩以中國之法全疆大局患骨甚於患飢倉
有餘粟兵餉必求銀幣礦有銅鉛沙漠罕通商販冰天雪
海誰復戀此生聚未易曠是之山哈密地方千里治以通
判及副將都司官吏俸全驛傳經費兵役薪糧每年七萬
餘金而租賦所得小麥一千一百餘石而已入不敷出南

北路各城皆然事事仰給內地銖積寸累輦而糶之流沙之中歲三百餘萬果能取悅邊民猶可也無如仕途清難擁擠以救貧不暇之官臨非我族類之民安得不視同魚肉大吏寫逆總語鉤勒權在譯人苦衷難白亦有恐白之愈損而終不敢白者刮內地窮民之脂膏以塞俗吏驕將以賈怨於異言異服之繮回果何取哉伏查道光十一年大學士長齡請增新疆同知各官奉
上諭回疆儼然添一省會殊失居重馭輕之策總之久安長治全在撫馭得宜斷不可徒事鋪張致內外俱困則悔之晚也等因仰見
聖謨遠大以蘇內困為急誠非侈談經濟者所能窺見萬一也

二十二日冬至自頭堡西行間偏西北草地虛二十里

二堡同名阿斯塔納謂先賢墓地也按章懷注云納職縣有伊吾故小城又王延德高昌記伊

吾納職之間有纏回三十餘戶纏頭數十人呈回文稟帖益都殆在此處謂近年有漢人來此種地

求驅之二十八里有石磧 二里沙阜下坡 二里曲折出境云

溝中有廢屋

二里有草木

六里三堡驛

堡壞街在堡外有十餘家

住福生店

井深七尺

計行六十里纏回呼此地曰托和齊言長

官舊居也

唐納職縣東距伊州一百二十里今三堡距哈密通符此數又托和齊三字急讀之音近納職

故城在此無疑而徐松謂在橙槽溝太偏西矣堡北纏回

郵舍約三十餘戶乾隆七年川陝總督馬蘭奏奏三堡為

哈密要隘移兵三百戍之

五年十一月迪化叛回東竄副將凌祥率鎮西兵及哈密

纏回禦之柳樹泉四五堡回匪內應全軍皆沒光緒十年

收忠嚴復籍數十里有賊攷弓矢蓋軍械不利所致今於

三堡西建二骨塔以表之

驛西南十五里四堡回語稱

拉布楚喀蓋即前明所謂刺木城也又十五里五堡回語稱

日哈喇都伯哈喇者黑也都伯者吐蕃也其地在唐時曾

為吐蕃所居也又西南二百一十里沙拉津爾乾隆十一

年安西提督李福武奏哈密西南錫喇諾爾舊設

汛以乏水草議撤準噶爾或潛越其地請仍設汛

二十三日微雪自三堡西北行上坡二次

五里折西行

有歧路西北達柳樹泉唐書姜行本傳未至柳谷百餘里依山造攻具刻頌陳國威德今柳樹泉距行本立碑處一百四十里卽柳谷矣惟唐時柳谷不一元和志柔遠縣柳谷水在今沁城北地理志交河縣下柳谷在今迪化縣東南六里沙棗園纏回呼哲克得里一名于格每可有雜樹爾達坂康熙圖作察漢西北行間偏西皆戈壁十八里哈馬兒卽古俱密山也

下坡 四里上坡 十二里下坡 十五里升坡卽三道

嶺驛

以鴨子泉塘改設

同名塔勒奇

言有寄居人也

住店計行六十里店

旁纏回一家有桃園後二十丈有小泉

人多則水不足用竭地之力可住一

二十家而已沙磧引水滲漏居多光緒三年張勦果令軍士開哈密東北石城子渠引庫申園水用種單貼地數十里以承流謂之種工所費殊巨小民未易仿行左文襄陳請奏贖誇爲功績未幾種敗渠涸軍士耕田偶爾爲之每月仍領三兩六錢之餉銀歲得四十餘金不責租稅猶兩莽滅裂軍罷卽廢拊民墾荒斷不能歲給四十餘金遊民

本不屑耕棄田遠行觀意外名利強之學稼子然一身銀糧具旋領旋迷愈招墾愈滋盜賊非通鐵軌火車安得良民攜室而來乎然良民闢地亦當因其所利毋以好名者擾民曩者葉伯英撫秦嶺延綏守吏開荒嚴定功過有司急於邀名遂過各報新墾地若干既經咨部後來者不敢云復荒分攤其糧於舊戶爲害無窮又如江浙諸省亦有荒地稍有力量者儘可加闢無如一經布置便有無賴子爲梗縣門深遠疑爲侵奪指紳之家畏見吏役何況鄉愚以故土著束手惟客民糾衆因悍爲吏役所畏者乃任意佔耕伐木毀墓莫可如何遷徙無定巧避升科在上者姑以招墾之名羈縻之歷久固益民受其累江浙額糧極重雖履歷核減仍信蓀於湖鄆耕夫朝不謀夕而欲高言崇學財賦之區日貧而欲興利絕塞不求政本不澄仕源良法美意不但無一可成且益爲厲階也

二十四日自三道嶺西北行戈壁 十二里鴨子泉回名

惡而台克

無人

二里廢垣四五柳樹一

道左草地數十丈道右里許土屋一

白楊

十五里平曠

十八里上坡至梯子泉小店一

廢屋三棚

三白折西南行 四里紅莊破屋二院無人下坡老樹三

轉西行多石子 二里有歧路南通煤窰不能多三里下

坡 六里沙墩子墩在南阜其下有二十八里下坡至瞭

墩驛官店一民店三防勇百人別無農家大墩計行九十

里康熙五十四年肅州總兵路振聲奏沙東泉西北九十

臣移營於此蓋在瞭墩也驛東北八十里澄積溝隄山

四十里為鐘西之上肋巴泉折西六十里陶賴井一百里

七箇井子北路間道也驛正西舊驛路九十里胡相高

七十里三間房本名鄂塔爾奇瑪一百二十里十三間房

本名闊什一百三十里七克騰木此路恆有怪風因改設驛站於一碗泉新唐地志納職縣西三百九十里有羅護守捉宋史外國傳王延德自納職城鬼魅殞三日行至鬼谷口遶風驛殆今三間房歟又按漢書西域有南北二道南通從鄯善傍南山北波河西行至疏勒隋書裴矩傳自敦煌至前王庭隨北山波河西行至疏勒

西海爲三道北道從伊吾經蒲類海鐵勒突厥可汗庭中
道從高昌焉耆南道從鄯善于闐則今哈密吐魯番西達
庫車之路爲漢之
北道隋之中道也

二十五日雪自瞭墩西行間偏西北升降砂坡多石撒車

三十二里乏馬灘舊卡倫入鎮西廳西南境西北行

十三里折北向天山 十七里折西 八里一碗泉驛廢陶

煩臺移破屋三四旅店一計行七十里徧地頑石色黑如碎瓦如

火無草木有泉在西北高阜間東西兩井已堙其一南十

一泉馭來正北距天山六七里卽漢書武帝紀之天山時漢

西域天山不稱祁連顏師古始謂天 後漢明帝紀稱白山

山卽祁連山詳十月二十二日記 盛夏有雪故也注誤作折羅漫山隋突厥傳稱時羅漫山唐

地理志曰析羅漫山

薛仁貴傳征鐵勒發三矢殺三人軍中歌曰將軍三箭定天山壯士長歌

入漢關

宋史外國傳稱雪山康熙輿圖錄蒙古語有查拉馬

哈山

在哈密東北

卽時羅漫轉音也自葱嶺分支出疏勒之北

東經烏什溫宿伊犁庫車喀喇沙爾迪化吐魯番鎮西哈

密至塔勒納沁而止互三千餘里臨地異號而統名爲騰

格里鄂拉

騰格里天也鄂拉山也又范晔南匈奴傳張耽繩索相懸上通天山大破烏桓耶律文正西遊

錄出雲中抵天山皆不在西域

二十六日自一碗泉西行 七里踰壩四車播甚 十一

里下平坡 二里盤旋陂陀間沙阜夾路如門又下坡

二里升長坡 十九里多沙山漸降 二里折北 五里

入峽 三里向北上坡 一里折西北 三里轉西至車

轍泉驛四圍皆山無草木無民居只一旅店 泉在東北岩下土坑中挹

夏久方得一 鎮西廳同知與國易研堂壽崧來迂飯後西

北行 八里出山峽西行平曠 北山漸遠南 東北有歧路

皆山徑七十里陶賴溝又東六十里上肋巴泉七十里蘇

古九十里鎮西廳咸豐五年廢鎮西府及宜禾縣改爲廳

治 二十里北山漸近 八里多碎石 十五里草地壟多

胡桐小樹也枝幹虬曲祇中柴薪 漢書西域傳注胡桐似

候瀉熱殺蟲今人與 五里西南行 二里七箇井子土屋

一無人有達奇臺縣路 西北入天山九十里頭水爲奇臺

荷戈紀程出此深道逼窄 由七箇井西北行戈壁 三

之小南路冬介雪大難行

里折而西

沙阜錯落

四里有衰草

二十五里東鹽池驛一名

胡桐窩旅店一無居民有草無木泉水在東鹽池在南住

店南向烏克塔克

纏回呼山曰塔克

北負高巖係天山一幹向南

突出如伸臂計行一百四十五里

余等不能睡熱炕熾爐則煤氣與寒氣交攻尤

為難支飲水鹹苦竟得菜蔬又冰不可食

二十七日自東鹽池西南行沙土略平正對烏克塔克

十二里道左望許多胡桐

八里入山間左右相去各三

四里

編地碎石漸行漸高

三十里惠井子驛破屋五井

一無民居至此入山峽寬數丈兩旁峰巒重疊積雪眩目

十五里路益窄僅容車曲折升坡多石子車播甚五

里始下坡 十里至平地 十里沿草灘之東向西南行

五里西鹽池驛西鎮舊名納呼四圍皆山無民居無樹木

旅店一在南山下池北草地略寬惟里瘠鹽池在北山計內驛東南里許山峽中有泉實井也

行九十五里驛站檔案一百二十里實無此數驛西北有歧路八十里高泉踰天山六十里莫家地溝

入奇臺境六十里三泉驛卽阿克他斯唐地志自羅護守提西北上乏驢嶺百二十里至赤谷又經長泉龍泉百

八十里有獨山守提又經蒲類百六十里至北庭蓋唐時風戈壁有間道踰烏克塔克西鹽池疑卽赤谷阿克他斯

疑是獨山蒲類縣今木黑河也

二十八日自西鹽池東南入山峽折向西南幽曲漸升

九里折北陟降二次 一里上小坡 三里下平斜坡

一里轉西上陡塹 一里降 一里出山平曠多沙阜

二十五里阜上累石爲標 六十五里土墩子驛

東半里有吐絲

番界大墩在驛後回名克勒克上有小廟泉在墩西北

沙土下埋大石

由石隙出細流不能飲百人味鹹店在驛東無民舍無草木吐魯番馬隊來逐飯

後西南行 三十二里北山上有烽墩 二里折西過小

堡駐守堡中有泉緣以牆額曰喜泉水甚旺稍西至齊克

塔木驛一作七克騰旅店三家纏回二十餘家有草無樹計行一百四十里

回云

齊克塔木者言得泉水矣余按唐地志羅護西百九十里至赤亭守捉王延德高昌記鬼谷口西至澤田寺竊意赤

亭澤田皆七克驛東南三里略有郵墅

二十九日西南行稍偏西沙阜多如覆釜 十八里英子

樹回呼培而布拉克言泉水足也有郵舍樹木 二里有草而

庫遠望一里下高坡 二里行沙阜間 一里下坡得井

泉一有樹數株其境祇見人滿之患何則大漠枯瘠萬禩不毛人煙
欲絕固其所宜偶遇勺泉可挹寸壤可植卽有一家二家
來鑿來耕雖四垂荒磧岑寂寡鄰但無吏役相擾居之不
以爲苦非人滿之證乎竊維開闢伊始人類無多藏身於
林因糧於果無爲無爭所謂上古懷葛之風繼造生齒漸
繁果蔬不足養與動物爭乃獵乃牧乃漁鮮食積不足養
與植物爭乃刊木誅茅乃播種積粟名曰文明漸歲實則
已爲大地之變局然猶耕所易耕皆川滄山泉所能溉之
地間值旱暵有偏災而無奇禍中古以降戶口益滋耕反
陵原專恃雨澤高山大麓悉施鋤犁沙土疏頽淤河決防
深林多緒不能吸氣致雨不能庇雪緩融水潴易溢易涸
累此數病故災禍之生廣及千里或數千里利大害亦大
近古罕有也猶復競抒智力補天地之遺憾亭障滿海郡
縣沙磧鐵舟破浪火車縮地而長東帝西帝宙合爭
偏爰及土中萬孔竝崩五金畢呈巧奪天工強瘠爲腴將
令風沙鬼魅之域悉營康衢華屋焉雖曰地不愛寶究之
盡地力耗地質洩地氣損地火致大地之重心漸偏偏力

漸減運動乖錯轉則冰洋消化神州陸沈重則擊撞崩裂而後已嗚呼地球生人而散於人蓋猶桃李之於蟄蟄若夫天心震怒乂視人心之善惡為遲速也

二里六十里墩同名特斯無人家道左小山有烽臺過此望見北山距大道約二十餘里道右

三五里外隱約有郵舍 十六里蘇魯圖有草 十八里

三十里墩同名哈克吐兒謂鳥鴉所宿也東阜有小泉南流既田數畝總回三家

有稅局四周皆沙磧迤西曰特庫斯 十四里東坎兒夾

道二小堡漢人亦稱柳樹泉郵落相望繞回六十戶漢人一家屢受排擠樹以千

計北山漸遠 十四里巴雜同語街市曰巴雜漢回雜處八九十

家 二里關展驛進東門名迤秀土城新築周二里七分鋪

戶三十餘纏回四十餘戶住店井深約四丈計行九十里

關展漢車師前國東境

西域圖志李氏西域國考皆云漢孤胡國地保康按以漢書車

師前庭孤胡兩國去焉耆里數較之北魏以後為高昌國則孤胡在交河城西北六十五里

之白棘城

北史高昌傳白棘城去高昌百六十里

或作白刃

南史夷貊傳

訛為白

力

魏書唐和傳又唐開成四年劉柯撰元獎塔銘

白刀

梁書諸夷傳

宋人稱寶莊

王延德高

昌明曰北昌

西域土地人物略

今呼關展仍白棘白刃之音譯以

回語之蘆柴恐未必然也或以為鄯善

海國志誤也

漢書西域傳鄯

善西北至車師千八百九十里新唐地志安西入西域道石城鎮漢樓蘭也亦名鄯善在蒲昌海南三百里通典寢

宇記樓蘭西北至車師一千九百里

國朝康熙五十九年將軍富爾安令散秩大臣阿喇衲下

關展城

東華錄作皮禪

乾隆二十四年設辦事大臣及同知三十

六年增設巡檢

裁甘肅平番縣
苦水巡檢改設

四十四年移辦事大臣及

同知於吐魯番以關展巡檢屬焉

同治五年回匪陷城巡
檢邵振名死之關展

南皆大戈壁其北九十里柯柯雅爾又北
入山經夾皮泉回回溝通木壘河可騎行

晦日出關展西門向北折西 五里過水 二里有卹墅

雜木上坡 二里降 二里又升戈壁平曠無人煙無草

木北山巖崇積雪如銀道左沙阜委迤如鋸齒 二里下

斜坡 九里下小坡 十里右有高阜挖一穴以憩行人

東北有卹
曰漢墩 六里過小河道北數里外有卹落 九里踰溝

三道有流水左右有回卹 六里二工

西南通雅圖庫
訛作丫頭溝 十

里連木齊驛

吐魯番

西域圖志作連木齊木

舊音勒木津新
廳議略作連木

沁有行館面北光緒四年精善馬隊營官計行六十三里

車店三漢人及回商各二十餘家纏回九十戶溫泉數處

匯成小河西南流七十里至色爾墩布歧為三北渠西北

流四十餘里至魯克沁城北其南渠西流至魯克沁南其

東渠向南流三十里至東湖均溉田無餘纂修西域圖志

諸官以連木齊為漢車師後城長國保廉按漢書後城長

在郁立師國之東郁立師北與匈奴接則後城長亦北接

匈奴今連木齊之北為車師後庭是後城長不在此也夜雪

臘月朔日辛卯晴由連木齊西行下坡涉水 二里有泉

渠郁樹上坡 三里五里墩 四里折北平曠戈壁 三

里南有歧途有遠樹又西多小圓阜彌望累累皆坎爾也

坎爾者纏回從山麓出泉處作陰溝引水隔數步一井下

貫木槽上拚沙石懼為飛沙擁塞也坎爾以千百計水自地中通流一二里或

十餘里至有土壞處其法甚古漢書溝洫志引洛水井下相通行水西域亦

洩出灌田回疆多此烏孫傳宣帝時遣使者案行表穿卑今人動云林

久有之魏侯井以西孟康曰大井六通渠也文忠所創非也君子多幸事天下之善皆歸之此類是也

十五里入土峽二里出峽下小坡平曠折西三里

蘇巴什北有水源一里道左有邨西域圖志纂修官以爲

蘇立師北接句橫道而南三里折北小屋二家過土橋二里又一

奴當在天山北巨楊六里夾路有樹皆榆楊白楊酸五里森尼木一

土橋左一僧吉木回云潮濕地漸近南山有邨舍西域圖志以森尼

也今訛爲勝金臺木爲漢卑陸國其東北一百里汗和羅爲卑陸後國其西北七十里布拉里

克爲功國保廉按漢書二卑陸與劫國昆連卑陸後國北

接匈奴南接車師則當在車師之北若森尼木汗和羅等地皆在車師東矣三里土屋夾道轉

西行 一里下坡道漸窄 一里北勘下凹處一屋牧者

居焉 二里漸降 二里北山有岔口 二里河灘寬六丈

沙十之五冰十之三 五里登降阨陜左巖右澗流水淙淙

隔岸土屋二三小樹繞之出塞所經惟此處略有幽景而

車行較險天下佳境卽危境不獨行路然也 五里南崖

下有廢廟又西有窰洞內繪佛像漢人所作回俗不信佛老亂時摧毀無遺下坡過

橋爲勝金口驛回呼愛克斯漢人以驛舍由勝金臺移此山口遂呼勝金口旅店

三無民居計行七十里驛前後皆山澗水貫其中疾流不冰出北山木頭溝西南流經此又

南過三堡至二堡卽喀喇和卓引渠溉田三堡距驛十餘

里有九十戶更南有峽曰玉門口亦名小城子或誤以爲漢之玉關蓋高昌壁也

初二日自勝金口西行平曠

二里下小坡

南山有墩循北山下行

二十三里蒙古包

有纏回墳屋形似穹廡故名

三十里有廢屋無人

五里道左數里有邨樹

十二里左右均有邨舍經纏回

禮拜寺古塔高四五丈形如瓶雕砌精緻

一里過土橋

水曰沙河

出北山南流曰布拉克漢人呼爲蒲桃

二里

吐魯番漢城

陽和驛

進東門名朝陽住行館計行七十五里

吐魯番撫民同知湘鄉彭玉章緒瞻

吐魯番廳漢車

前國

史記作姑師治交河城今廳城西十三里之招哈和屯一名雅爾河

狐胡國地

以漢書兩

國去長安里數相較則狐胡在交河西五十里以去焉者里數相較則在交河西六十五里漢書云狐胡治車師柳谷新唐地志交河縣北八十里龍泉館又北百三十里柳谷蓋今廳城西北迪化東南白楊河等處也太平御覽引

作孤胡國治車柳谷又按侯君集伐高昌先至柳谷乃

哈密西之柳樹泉非孤胡之柳谷李光廷漢西域圖考并

而為一且以柳中當之使孤胡果在柳車師服屬匈奴漢

中何以去長安道里反遠於車師耶前漢西域

屢征之元帝置戊己二校尉屯田車師前王庭傳但云置

戊己校尉後漢西域傳云元帝置二校尉又云自高昌壁

北通後部金滿城五百里戊己校尉更互屯焉夫曰更互

則有二官矣顏師古注元帝紀及百官表並云有戊王莽

校尉已校尉徐松西域傳補注合為一人未必是也王莽

時叛屬匈奴後漢明帝置副校尉於車師班勇章帝遣已

校尉屯柳中城時有戊校尉屯後部金滿城而耿恭傳於

之說便知漢柳中今廳東南一百三十里之魯克沁宋

史作六種元魯古塵明史柳城一名魯陳又作柳陳西域

土地人物略作魯珍兒國初作魯克察克或作為匈奴

魯古武乾隆二十二年奉旨改曰魯克沁為匈奴

攻歿和帝復置已校尉後書西域傳序稱戊己校尉亦後

人妄增中師後王傳有戊校尉閭

詳可證也劉敞謂此時但置戊校亦未確余意傳文於後
部之戊部候又稱戊校尉則前部之已校尉當可稱已部
候北范氏省居前部高昌壁本傳又云又置戊部候居車
交互見耳師後部候城按魏書漢武
造其西討師旅賴其其中尤困者因性焉地勢高敞人庶
昌盛因云高昌亦云其地有漢時高昌壁故以為國號十
三州志高昌壁故屬敦煌有長谷在東都尉居之今應東
南一百里哈喇和卓即明火州城前人以此為高昌壁余
按漢書姑句突出高昌壁即入匈奴疑在稍北又考魏書
唐和傳似高昌與火州為一地明史火州東荒城即高昌
國都漢校尉治也今火州東北有安帝延光中班勇為西
玉門口古城或是漢之高昌壁歟魏志黃初三年西域內
域長史屯柳中魏仍置戊已校尉魏志黃初三年西域內
校尉而晉地志云魏以涼州刺史領戊晉初車師王居交
已校尉護西域至晉不改二說互異晉初車師王居交
河而高昌為校尉治武帝紀咸寧元年西域戊已成帝咸
和初前涼張駿置西域長史而戊已校尉趙貞不附擊禽

之以其地為高昌郡傳立田地縣徐堅初學記引地輿志

立田地縣太平寰宇記亦引此云唐改田地為高昌縣而西戎總序又云晉以交河城為高昌縣自相抵

張軌呂光沮渠蒙遜皆置太守按張軌係張駿之訛前云

晉置郡者亦張駿所有與晉無涉也又按方輿紀要據

舊說謂田地城即高昌縣然魏書高昌傳魏嘉以兄子孝

亮為田地太守舊唐高昌傳王都高昌其交河城前王庭

也田地賊校尉城也侯君集傳攻拔田地賊乃進圍都城

是田地為高昌連東一郡疑在今齊克騰驛或駐國庫左

右張駿之高昌郡治未必在田地縣唐改田地為高昌者

蓋因城被兵毀別設高昌縣所轄有田地縣故境未必在

田地城也謂田地為校尉城者魏晉以後及校尉營十六

校尉遷徙無定未必恆在漢之高昌壁也

林張駿有西域都護戊己

校尉王門大護軍三營

孝武太元以後苻秦加車師前

部王彌實為平西將軍西域都護並置高昌太守後涼北

涼皆因之

晉書載記呂先至高昌太守楊翰降光以子覆

為鎮西將軍西域大都護鎮高昌又沮渠蒙遜

以司馬隗仁北魏太武帝延和中以焉耆東部帥車伊洛

為高昌太守為前部王涼州人關爽自為高昌太守太平真君初北涼

亡沮渠無諱跳據鄯善而伊吾王唐契契本蠕蠕所封既而降魏為蠕

蠕所逼亦擁眾西走白力城白棘之訛即關展也遣弟和攻高昌關

爽詐降於無諱欲合與唐契相擊契為蠕蠕攻殺宋書云

高昌爽拒無諱無諱將衛興奴宋書作衛康屠其城爽奔蠕蠕

無諱哥高昌奉表於宋文帝拜為西夷校尉涼州刺史河

西王高昌有王自此始真君五年無諱死弟安周代宋封拜之

如其屯橫截城疑即火州蓋高昌初破唐和攻拔之又克無諱昆弟改都火州也

高甯疑即高昌魏書唐和傳契驍沒和率白力二城表狀

疑即高昌魏書唐和傳契驍沒和率白力二城表狀

於魏世祖詔和與車伊洛從萬度歸討焉者伊洛畱子歇

守城安周乘隙引蠕蠕圍歇陷之真君十一年伊洛收遺

民奔焉者車師前部至是亡唐和亦自焉耆歸魏越十載

蠕蠕滅安周立闕伯周為高昌王太和初伯周之子相仇

殺為高車主可至羅元和志作阿伏至羅所滅立張孟明為王敦煌人

國人殺之立馬儒二十一年儒欲東徙伊吾其下不願復

弑之而立麴嘉金城榆中人兩臣於蠕蠕高車兼貢中國魏宣武帝

延昌中拜嘉為瓜州刺史秦隴縣伯私署王如故梁書云

魏授秦州刺史金城郡公卒諡昭武王南北史出一手所

言亦正光中子堅立西魏大統中子元嘉立周書作恭帝

二年以田地公茂嗣位蓋王隋初嘉六世孫伯雅立隋書

元和

志以為堅子誤為突厥所攻令變法從突厥大業中裴矩也此據舊唐書

往敦煌遣使說伯雅來朝封弁國公尙宗女華容公主唐

書云戚屬歸蕃後下令國中解辦削衽取悅煬帝帝問之

冠及製然伯雅又臣於鐵勒實不收改也北史其國有四

六鎮交河舊唐書王都高昌其交河城漢前王庭也田地

高甯均見臨川疑在今橫截上柳婆工回俗呼其舊名曰

勒木不疑是汾林疑在勝金口東新興疑即森由甯南史

柳婆轉音由疑在今廳東南一百餘里始昌新唐地志西州西南有

洋海邨舊稱英格河左右始昌安昌城疑即始昌今廳

城西南三十里涼州工舊篤進蓋今廳西南一百白刀南

名安吉彥或是古安昌也魏書高昌有八城北史周時

二十唐武德初伯雅死子文泰嗣貞觀四年入朝尋阻貢

道助西突厥擊焉耆十四年命侯君集等討之文泰悖死

子智盛降

傳九世一百三十四年

太宗欲列爲州縣魏徵諫

略謂罪止文泰

未若撫其人而立其子所謂伐罪弔民也若利其土壤常

須千餘人鎮守還辦衣資十年之後隴右空虛終不得高

昌撮穀尺布以助中國不納置西州

新唐西域傳初號西昌州

領五縣

高昌

元和志取舊高昌國爲名天寶元年改爲前庭縣太平寶字記本晉田地縣之地又車師傳云以高昌

城爲高昌縣

舊唐志

魏嘉稱高昌王於此

新唐志寶

應元

年更名前庭按高昌縣治不在田地城辯已見上

柳中

元和志西至州三十里里漢舊縣晉并入田地縣又車師傳云以田北城爲

交河

元和志東南至州八十里

柳中縣

輿地廣記取漢舊

地爲名按當在漢柳中

出縣北

天山分流城下

太平寶字記州西北八十里前

王庭地舊唐志取水名地本車師前王庭按在今庭

城左天山元和志東至州一百五十里太平寰宇記西

右天山唐志取鄯連山為名新唐志西州西南百二

十里至天山按當在托克遜西城圖志列表以連木齊

森尼木等處為天山縣則在蒲昌元和志西南至州一百

高昌之東與新唐志不合蒲昌八十里本金蒲城車師

後庭也太平寰宇記州東北一百八十里貞觀十四年

置於漢始昌故城取縣東蒲類海為名蒲類海者胡人呼

婆悉海又車師傳云以東鎮城為蒲昌縣舊唐志於始

昌故城置東南有蒲類海胡人呼為婆悉新唐志本隸

庭州後來屬西有七屯城弩支城石城鎮橋仙鎮又安西

入西域道蒲昌縣最為清混金蒲在西北始昌在州西南東

諸家論蒲昌縣懸隔不詳遷徙之時泥執創置之年鹿馬

鎮在州東三知其矛盾一謬也金蒲即金滿之說後漢書四

互指不自知其矛盾一謬也金蒲即金滿之說後漢書四

言高昌北至金滿五百里唐以來地志家乃以距西州一

百八十里之蒲昌縣為本金蒲城二謬也蒲類海在庭州

之東蒲昌海在西州西南相去二千餘里諸家既於庭州

之蒲類縣云因縣東蒲類海為名於西州之蒲昌縣復云

東南有蒲類海三謬也蓋貞元以後西域淪亡晚唐考訂

已同捫扣後人傳寫益滋豕魚承講至今未由解設西城
圖志列表以哈喇和卓西南之勒木丕爲蒲昌縣於新唐
志地勢近矣而無以解於西南至州及本金蒲城之說李
氏西域圖考謂蒲昌縣在鎮西廳之鳴順溝於取蒲類海
爲名之說近矣而無以解於西至州百八十里及西有七
屯城諸說竊意北庭之地本屬高昌貞觀十四年不高昌
初置蒲昌縣於前庭之東鎮取西南蒲昌海爲名其轄境
則踰山北直接金蒲城界與地家最喜遠徵古邑斷歸今
地因縣界有金蒲遂誤以縣治爲金蒲此元和志所以謂
蒲昌本金蒲新唐志所以謂本隸庭州者也試思金蒲卽
車師後庭使蒲昌縣果在彼何以距西州止百八十里乎
貞觀二十年四月西突厥欲谷設降唐乃全有北庭增置
庭州分蒲昌北境爲金蒲縣因金蒲割自蒲昌遂誤謂改
蒲昌爲金蒲此元和志庭州下所以云貞觀十四年於州
南置蒲昌縣長安二年改爲金蒲者也試思此處旣云貞
觀置蒲昌在庭州之南何以西州蒲昌下又云在後庭金
蒲乎所謂長安二年改金蒲者疑亦有誤庭州治在金蒲
縣當與州同建或云貞觀十四年置者亦誤緣是年賀魯
尚未降也樂史謂蒲昌縣在州東北一百八十里必指東
鎮城言是始建縣治決在州東新唐志云縣西有七屯城

可知轄境及於蒲昌海是縣治已遷於州西南惟遷徙之年無可考疑分設庭州後蒲昌縣北境割小乃將東鎮屬地并入高昌柳中二邑而移蒲昌縣於始昌也俞氏考古錄謂西庭二州皆有金蒲則依違之見耳東鎮疑在闐

展之東始尋升安西都護府歲調千兵謫罪人以戍褚遂昌見上

良諫

略謂自王師始征河西供役飛米轉芻十室九圯五年未可復今又歲遣屯戍道路死亡罪人始於犯法

終於情業無益於行所遣復有亡命官司捕逮株蔓相牽有如張掖酒泉塵飛烽舉豈得高昌一季一卒及事乎必發隴右河西耳然則河西爲我腹心高昌他人手足也何耗中華事無用罪而誅之伏而立之百蠻所以畏威慕德也不省二十二年徙都護於龜茲舊新二唐書地志皆失載惟西域龜茲傳有之

高宗永徽初都護還治高昌

舊唐本紀在永徽二年而顯二書地志皆云顯慶二年顯

慶三年復移都護治龜茲改置西州都督府

以魏智盛之弟智湛爲都

督

開元中曰金山都督府並置天山軍

元和郡縣志新唐志皆云置西州城

內舊唐志實字記
又云在伊州城
天寶元年改交河郡乾元元年復為西

州德宗貞元六年吐蕃陷北庭節度使楊襲古奔西州為

迴紇所殺西州固守無援久之亦陷於吐蕃宣宗大中時

吐蕃衰弱號稱收復
沙州首領張義潮逐虜守者自攝州
事奉十一州地圖以獻內有西州

懿宗咸通七年回鶻大酋僕固俊自北庭取西州為西州

回鶻
舊唐本紀沙州節度使張義潮奏差回鶻首領僕固
俊與吐蕃大將尙恐熱戰是僕固俊初鶻屬於沙州

節度旋分三部曰和州回鶻曰阿薩蘭回鶻曰高昌均服

屬於遼
西域圖志言吐魯番地五代時分并之跡無可考
蓋未徵遼史也遼史屬國表兵衛志均分為三國

兼貢於宋於金
宋史稱西州回鶻可汗又稱西州外生師
子王阿厥蘭漢一稱西州克韓國 金史

作回鶻喝里可汗
一作和州回鶻
高昌王并有北庭蓋諸部推高昌為渠

也

所統有南突厥北突厥大眾雙小眾雙樣後西遼又封唐割祿點夏司末蠻格哆族祿龍族之名

吐谷渾之裔畏兀兒於交河

孫承澤元朝典故編年考其酋曰月仙帖

木兒

人亦都護王傳子巴而朮阿而忒的斤西遼主可汗

即耶律大石之孫直魯古也

遣使監其國巴而朮阿而忒殺之而降於

元太祖

詳哈刺赤北魯傳及岳璘帖穆爾傳又巴而朮阿而忒傳述畏兀兒開國之路多荒誕俞清已

辯之使尙公主亦作輝和爾國伊都呼時高昌阿薩蘭並

存

元史帝紀太祖六年西域哈喇畏兀兒三傳爲火刺婁部主阿爾斯蘭汗來降

赤哈兒的斤至元十二年都哇破火州徙屯於哈密力旋

爲北軍所殺於是政令歸朝廷至元中所設官有霍州畏

兀按察司鎮北庭都護府和州宣慰司

霍州和州火州皆諸縣也仁宗

封紐林的斤

火赤哈兒之子

爲高昌王三尙公主還火州復立畏

兀兒城池

元歐陽圭齋高昌侯氏家傳云高昌者今哈刺和特也元地志附錄作合刺火者阿朮傳作哈

刺霍州耶律希亮傳作哈刺火州明史火州與安定曲先諸衛統號畏兀兒

傳子帖木兒補化

亦尙公主

秦定初召入朝

其後仍襲高昌王爵爲京朝官

元末分爲柳城火州

土魯番三部皆設萬戶府達魯花赤明初仍舊稱萬戶正

統後并於土魯番其酋居安樂城

蓋卽哈喇和卓之哈喇二字譯者更以美名耳

自稱速檀亦借稱王屢破哈密瓜沙犯肅州嘉靖之季兒

弟相爭勢漸衰弱隆慶初稱速檀者四人

國初土魯番有五種部落

見東華錄康熙三十二年

順治三年入貢稱

蘇勒檀

卽速檀也

阿布勒阿哈默特阿濟汗

見耶氏譜部要略

六年其

蘇哈什克伽助逆回丁國棟為亂乃絕貢市

順治十年吐魯番使請貢

表署蘇勒哲賽伊特汗提督張勇卻之

十二年用葉爾羌酋名

使署云阿布都喇汗為吐

魯番酋

悔罪乞貢納之

說者因此次使人之語遂謂回疆諸戚明季盡為葉爾羌酋所并以

諸子分治其地然準部地瘠不及回疆使回疆果為一姓所有何以不能遏禦準夷而俯首就役乎竊意使人之語

未可盡信西域貢使自明以來久成惡習大半猾商慝其酋附一表文而實以商販為主攜四五百人託名入貢

既免征稅復索糧食騷擾驛傳官吏莫敢問番眾樂為之順治六年卻貢八年回目稱哈密使弗納十年改稱吐魯

番使又弗納十二年遂用葉爾羌酋名而使者克拜仍為哈密人可覘其隱矣撒馬兒罕亦大國距吐魯番六千里

而遙非葉爾羌各酋所能號召克拜乃與撒馬兒罕使齊同至此皆番商詭託之跡至云哈密吐魯番葉爾羌庫車

等七城之長皆昆弟者疑是同教之阿琿未必盡為部酋夫有土有人中國之常而諸戎則否酋長有土傳教阿琿

有人其權與有土者抗久之喧賓奪主矣康熙末年吐魯番酋有莽蘇爾之父有莽噶里克之祖又有阿克蘇爾坦

辛卯侍行記卷六

三

上二川上

有沙克札拍爾有阿濟斯和卓有托克托瑪木特有額敏和卓一地七酋莫言與葉爾羌主同宗其稱蘇勒檀者有土者也稱和卓者掌教者也蓋元代討平曠西黠戛舊邦分置萬戶府達魯花赤諸官蒙回並用比之郡縣收歸朝廷迨乾綱廢墜長吏與土豪各自爲首不相統屬摩氏之教大行蒙古式微漸化爲回劉禡北使記契丹耶律大石國旣滅其人悉爲回紇宋史高昌有南突厥大眾毀等十族元明無聞焉蓋不能自強卽不保其種千古一轍也

定貢期五年一至

貢使不得過百人許攜婦女久留內地

康熙十二年貢表

稱馮木特賽伊特汗誓一千八十三年用回教紀元也二

十年表稱阿布勒穆咱帕爾蘇勒檀瑪哈瑪特額敏巴圖

爾哈什汗二十五年表稱臣成吉思汗裔承蘇賚滿汗業

此蓋由蒙變回之證歟五十九年散秩大臣阿喇納擊破

齊克塔木降皮禪城吐魯番之阿克蘇爾坦

亦蘇勒檀也此據東華錄

及總管沙克札拍爾率眾迎降別有頭目阿濟斯和卓齊

斯之走策妄阿喇布坦所明年率準夷來脇吐魯番數千

戶徙喀喇沙爾後轉徙烏什脫歸千餘戶聚魯克齊穆即魯推

托克托瑪木特爲酋或作拖克拖麻穆武拒準夷遣使內附靖逆將

軍富甯安時屯巴里坤益阿喇衲兵四千往守九月準夷二千

來侵擊卻之授阿喇衲爲協理將軍令興屯焉雍正元年

都統穆森代之三年策妄阿喇布坦乞和求得吐魯番地

纏回願內徙者六百五十餘戶四年安置金塔寺威魯堡

諸地肅州北仍以托克托瑪木特爲長乾隆十三年金塔客

徙之哈密餘仍畱威魯畱魯克沁者尙萬數以阿琿額敏和卓爲長

辛卯侍行記卷六

美

X 8 1

五年吐魯番回目白斤伯克請入貢

上以我師難於庇護聽自便不强其歸順八年甯遠大將軍岳鍾琪以己意遣官往購糧啟敵釁九年三月準夷侵吐魯番護理大將軍事四川提督紀成斌令總兵樊廷率二千人往援賊遁師旋四月賊圍魯克沁額敏和卓力守四旬不下復攻哈喇和卓回眾拒斬五百級岳鍾琪令總兵張元佐曹勳等以三千人往救賊遁七月又來侵副將王廷瑞擊走之

諭曰小勝不足喜回民騎射不如賊宜堅壁清野十年夏噶爾丹策凌遣宰桑額爾克得松攻哈喇和卓參將劉廷

炎戰卻之九月護理大將軍事副將軍張廣泗奏吐魯番防兵八千五百人分駐七邑請徙兵民聚居魯谷慶哈喇

火州皮禪洋海以便防範十月封額敏和卓爲札薩克輔

國公徙其民萬餘口於塔勒納沁十一年復徙之瓜州至

九千二百餘口乾隆十九年遣官赴瓜州編旗隊置京京參領等官如哈密

從征伊犁加封鎮國公時吐魯番遺民千四百餘戶有伯

克莽噶里克者祖瑪爾占楚克父圖默爾庫濟世爲吐魯番酋莽噶里克嗣稱達爾漢伯克初欲降

於定遠右副將軍薩拉爾軍遇賊未達偕其弟以戶籍迎降於定西將軍永

常所同時定北將軍班第奏吐魯番舊酋莽蘇爾爲元太

祖裔今在喀喇沙爾應遣歸廷臣恐與額敏和卓不相安

寢其議

元太祖次子察哈侍居伊犁十傳後習回教徒尼吐魯番康熙末大兵西征莽蘇爾迎獻駝馬策妄

阿拉布坦惡而禁諸哈喇沙爾後走葉爾羌回疆平後授一等台吉隸京師蒙古正白旗二十一年額

敏和卓奏吐魯番不復有蒙古裔瓜州回民願歸故土從

之莽噶里克請視額敏和卓例編旗隊

詔封公爵割吐魯番西境自伊拉里克

在托克遜西四十里至阿斯

塔克

在哈喇和卓西五里

與之尋貳於巴雅爾

準部葉克明安之台吉也與噶勒雅特之

宰桑哈薩克錫喇同母異父二十年春降於薩拉爾徙牧吐魯番之西封巴雅爾為輝特汗授哈薩克錫喇為內大

臣又徙闕展之北接木壘河源明年皆叛巴里坤額敏和辦事大臣和起往討莽噶里克叛應賊和起死之

卓拒賊固守加封貝子二十二年安西提督傅魁進軍鹽

池莽噶里克恨準夷誅求無厭賊十人迎降魁欲邀功擅

殺之以擊斬告事覺誅魁宥莽噶里克妻孥其子白和卓

前任侍衛李氏西域圖考并莽蘇爾與莽噶里克為一人又謂莽蘇爾即額敏和卓大誤其地統屬於

額敏和卓居魯克沁加貝勒品級吐魯番舊作土爾番至明年是奉旨作吐魯番

從靖逆將軍雅爾哈善討霍集占授多羅貝勒兼參贊大

臣克庫車加郡王品級二十四年從定邊將軍兆惠討平

葉爾羌晉封郡王西葉爾羌辦事設關展辦事大臣及同

知二十六年威魯堡回民西歸總督楊應琚奏戶口以千

戶珈如拉托克托馬木特之孫百戶伊明和卓所屬分居

二為五品伯克別設六品其莽噶里克等屬戶亦分設伯

克領之總管四品伯克一協理五品伯克二分理六品伯

辛卯侍行記卷六

三八

準部餘民七十四戶設總管五品伯克協理六品伯克各
一以沙呼里及烏默特二人爲之羅卜諾爾二部設大小
伯克皆隸闡展大臣轄二十七年免吐魯番納糧以喀喇
和卓托克遜屯田給回民爲世業四十二年額敏和卓卒
次子素賚瑞襲四十四年以罪削爵弟伊斯堪達爾額敏和卓
第六嗣改闡展辦事大臣爲吐魯番領隊大臣并移同知
都司來駐四十六年築廣安城周四里門四東朝曠西五
十三年

詔吐魯番世襲封爵不必降等又四傳至阿克拉依都伊
畢達爾卒子伊魯思嗣伊魯思卒叔父皮爾敦襲封額敏
和卓第七子也皮爾敦傳子邁瑪薩依特爲喀什噶爾阿
奇木伯克道光六年死於張格爾之同治三年在葉爾羌
役子阿克拉依都嗣世居魯克沁

御賊被執

時爲阿奇木伯克也被執至庫車越三年徒之喀什噶爾又六年爲帕夏所殺是年夏

庫車叛酋伊薩克和卓東竄漢裝回響應領隊大臣榮慶

死之尋爲迪化漢裝回所據九年二月安集延

在疏勒西北一千二

百里霍罕八部之一也時纏回來爭於是迪化回殺吐魯

爲俄人所破故竄入邊內番纏回千計四月安集延帕夏胡什伯克率眾數萬復仇

揚言助中國討賊八月迪化賊酋遣馬仲乞和復劫帕夏

營帕夏怒擊破吐魯番諸城殺迪化賊黨殆盡築新壘克魯

沁托克遜以降者馬人得等守之時哈密大臣文麟景廉

遣使齎檄諭帕夏納土而帕夏已西還矣光緒二年帕夏

使次子海古拉守托克遜陝回白彥虎降於帕夏助守吐

魯番種族不一陽合陰離纏回不堪安夷之虐咸願歸順

三年三月總統湘軍三品卿銜西甯道劉錦棠拔達坂城

賊眾益渙錦棠與蜀軍提督徐占彪嵩武軍提督張曜各

道所部分四道進守賊跳走不戰而平

張曜合提督孫金彪率五營由哈密

西進徐占彪率所部出奇臺東南穆家地溝踰山而南會
於鹽池三月初八日下七克騰木初九日下闢展十二日

於暨池三月移八日下十京朋不春力日一四月

下魯克沁皆望風潰竄錦棠於十二口自白楊河令營務處道員羅長祐總兵譚拔萃六營向東南取吐魯番錦棠

三、市平可作果之選小

親率十四營西取托克遜長福等令開回作謀多勢小
旗書投誠免死字懷之入城而徐孫二將於十二日先至

三、五、七、九、十一、十三、十五、十七、十九、二十一、二十三、二十五、二十七、二十九、三十一、三十三、三十五、三十七、三十九、四十一、四十三、四十五、四十七、四十九、五十一、五十三、五十五、五十七、五十九、六十一、六十三、六十五、六十七、六十九、七十一、七十三、七十五、七十七、七十九、八十一、八十三、八十五、八十七、八十九、九十一、九十三、九十五、九十七、九十九、一百。

吐魯番安夷州色提一營日遊四門開演才三言
以湘軍幟編插城櫓矣十三日長祐等軍至金彪以所獲

丁酉六月八日

阿奇木馬人得達良所惟羅軍因難男羅錦棠於十三日
肯相下兩軍列隊將闖某提督排解乃罷錦棠於十三日

王已通勞口左作紅
計主
人
立
之
不
三
毛

彥虎先一日焚糧遁

光緒七年以阿克拉依都之子瑪

彦虎先一日焚特選

木特襲那王

別有二等台吉三人皆額敏和卓子孫以功得世襲

十年重修漢城垣

土

方形周七百有三丈東西南三門南門外有市

罷領隊大臣以同知及遊擊治之

乾隆二十一年繼同自瓜州西還祇八千餘口至道光十

二年有二萬一千餘口今增至五萬餘口較之唐時高昌

國民數已倍蓰矣頃中得此不為不盛漢民流寓觸土回

之忌去冬洋海總回焚殺漢人三十五口吟域之難化如

此吐魯番之番字纏回呼若潘

如廣州番

乾隆時此邦回

人徙烏什者以其故鄉之名名烏什曰圖爾瑪瑞即潘之

對音也蓋西州於晚唐為吐蕃人所據疑其時呼為吐蕃

城音轉為吐魯番耳

樂史云瓜州西至伊州界吐蕃舊見山四百五十里蓋亦因吐蕃得名惟此

山在哈密南境近人以蒙語

謂都

回語

謂土

釋之非探本之論唐

書吐蕃傳之蕃字亦當讀如播未識前人有此說否

吐蕃故國

漢人呼爲西藏番俗不知此號惟自呼曰圖伯特或曰條
拜提曰退擺特歐洲人呼爲替卑得其伯字拜字擺字卑
字皆蕃字之轉音亦卽蕃當讀潘之證也又按漢地志魯
國諸縣應劭曰音皮師古曰上俗各有別稱不依本字此
又蕃字不必謂方煩切之證也 隋書高昌北有赤石山
山北七十里爲貪汗山卽今天山也赤石則今都魯達坂
也在廳西北一百二十里從迪化東之托克喇鄂拉分支
而東抵闐展北之金嶺宋史高昌傳所謂金嶺也高昌傳
云地無雨雪而極熱每盛暑居人穿地爲穴以居明史火
州傳其地多山青紅若火今詢諸土人云吐魯番北阜康
之南荒嶠中有火山數處恆起煙霧隱現無定蓋煤礦各
礦發火自燒不知幾何年矣北郊近城諸山皆黃赤色無
寸草三四月內炎熱甚於閩粵當暑必入地室名曰地窖
子行旅皆卜以夜然更北遠山則盛夏積雪有竹枝詞曰
郎披狐貉妾披簾隔嶺相看雨不嫌一樣地形天氣異唐
州多雪火山州炎同民以蒲萄桑甚瓜果爲饌產棉花舊唐
書高昌傳云有草曰白柁國人采其花織爲布今龜同呼
棉花曰帕克塔猶古音也 境內雨雪罕有者惟近廳城
及魯克沁托克遜諸地約二三百里耳直北天山厚積冰
雪每歲二三月大風自東南來揚沙走石山雪得風融流

達於賦濟凡泉水所不能曲通者不爲田園無秦晉人所
云靠天收之事故鮮值大荒耕者非專恃雨澤而盛夏若
多雨則山中冰雪驟消百竅奔注或至擁沙壅渠毀屋
引之禍倘舊歲少雪新歲復旱亦未嘗不求雨南北路各
城皆然竹葉亭雜記謂西域畏雨
得風則穰得雨則歉言之適當矣

吐魯番歧路附

廳城東南一百三十里魯克沁折南四十里沙白特坎

爾又呼馬廠有五第一程東南行無地名有柴有水苦

煙第三程英都爾哥其英都爾銀珀石也哥第四程石

戈毛拉艾買提第五程迷拖克生有苦第六程托和喇

布拉克言胡桐泉也水甘有柴南有大山循山北麓折

東南行第七程巴什托和拉克言胡桐林第八程戈阿

提米什布拉克

言有泉七十
也有紅柳

第九程

起伏

布魯頭

言多
野牲

也有底黃
柴水苦

第十程烏魯鐵漫吐

此蒙語言有野駝也
有紅柳麻黃水苦

據

羅布淖爾譯者意斯朗云獵於此五度矣又東南通敦

煌若干程未知其詳光緒三年陝回餘匪數百人由敦

煌掠糧出此道至破城子休息逾旬西合於安集延而

哈密吐魯番守兵皆不之覺

按漢元始中車師後國有
新道出五船北通玉門關

往來差近蓋漢初往後庭多由伊吾蒲類至是始得火
州之徑所云出五船北者蓋從火州北行至勝金口又
北入穆國拉克之溝過可洛達坂即通濟木薩占北庭
也所云通玉門者由火州東南度磧也魏略西戎傳新
道從玉門西北經廣坑龍堆出五船北到又白沙白特
車師界是五船在車師東南近於火州也

坎爾西南行

多沙阜
且壘

三十餘里入覺洛塔克山峽七十

里克子里山

產煤一名伊格爾達坂回語馬鞍曰伊格爾

八十里阿習布拉

克

言水苦也西南過庫什爾達坂

一百七十里烏宗布拉克

彌望堅南其白如雪

中有一水鹹不可飲回語長流曰烏宗

西南入孔木達坂

回語沙曰孔木又曰澤

六

十里帕沙布拉克

井水鹹

折西八十里生額爾

或名五戶地有池及

樹繅回一家地三十畝半耕半牧

六十里阿于杆布拉克轉西南六十

里圖洛克塔克猶言無水草荒山也托呼喇布拉可

以上

七程須馱負淡水

五十里

出營盤海子

周約三十餘里海西十里有廢

壘西南平沙寬廣相傳此處本在澤中為浣溪河淤沙所壅疑古時此海與蒲昌海合也

西南四十

里浣溪河

回語口其奇達里雅其奇古墓也達里雅河也漢人訛其音曰浣溪河或曰孔雀河實即

喀喇沙爾之海都河也其上游為裕勒都斯河入博斯騰淖爾水經注所謂敦薨之水注於敦薨之藪者也又

從渾爾溢出西南過庫爾勒城西折東南流六百餘里至此又東折南二百餘里至阿拉港會塔里木河入蒲

昌廳城西行六十里布幹驛六十里托克遜驛唐天山縣地元

史地志開錄作他古新西域圖志作托克三驛西北一程伊拉里湖驛正南四十里哈沙土拉又一百二十

里該密希布拉克可一百六十里七十里石蘇巴什驛折

愛立時買一百五十里生額爾路蘇巴什驛折西南八十里哈爾布拉克驛山路惡六十里桑園驛歷六

驛四百八十里至喀喇沙爾廳又西南十二驛九百四

十里庫車廳又四驛三百里拜城縣又五驛四百五十

里溫宿州又十驛七百三十四里馬喇巴什廳又七驛

五百五十九里莎車州自馬喇巴什西行稍西南九

驛六百一十里疏勒州自疏勒東南二驛一百五十里

英吉沙爾廳又五驛三百十九里莎車州又二驛一百

八十六里葉城縣又六驛六百七十里桑園西二十里和闐州又五驛四百五十三里于闐縣

折南入山五十里苦水井二井一甘一苦有紅柳柴草四周皆榆離地面臨日清爾

布又一百里內三十里浮沙六十乾草湖有草無湖六

十里沙破城子耕墾約六七十畝餘均沙虛有鉛鑛在

東南者曰大工曰東工在西南者曰北工曰西工自破

城東南六十里至大工又十餘里東工折東八十里即

生額一百二十里均山四馬哈泉七十里胡桐泉七十

五里胡桐窩流沙不勝車輪若由前站向東南至舊營

七十里浣溪河水寬多蘆行者至此舉火南岸土同見

槎以渡呼曰卡盆按廣韻水中浮木曰查應作查管子

方舟投枻乘桴濟河春秋時中國猶有此風博物志妄

言海客乘查至天河見織女歸間嚴君平曰某時客星

犯斗牛即此人也漢書張騫傳西域傳莫言博望乘查

自荆楚歲時記誤指為騫事詩人治用此典絕不思騫

與君平非同時人安得相見耶循浣溪河北岸正西

行荒墳無人六十里生必阿塔可又一百一十里阿哈

巴什北有大山曰于洛可達坂又西三十里拖干巴什

四十五里雅爾當三十里沙几布拉克六十里托古巴
什廢卡其北踰沙山爲博斯騰淖爾自廢卡西北行二
十里登窩塔克四十里而勒里杆五十渡浣溪河東南
里科素喀哈一百八十里庫爾勒城
行八十里都納里蒙古人都納里始來居此因名自此
里哈什墩八十里古斯拉克塔里木河北岸而西五
十里烏魯可力四十里英格可立又名英柯洛去年設
撫輯招徠局於此又西北八十里和拉里七十五里其
奇河六十里克尼爾五十里庫爾勒驛按羅布淖爾全
境東接龍堆西抵龜茲廣二千餘里磧什五鹵什三僅
沿塔里木河北岸間有土壤崎零散處二十六莊六百
四十餘戶男女六千有奇種地約一萬六千三百畝土
回拙樸有太古風夜不閉戶自設官招徠各處漢人及
內地漢裝回往來流寓遂開作奸之風新疆纏又一百
里卡拉達雅回語有棧之水也一百里阿拉港言水有八十里
吐渾或作托孔言地九十里和兒罕一名科羅干言平
地也有安集延酋

渡塔里木河句
並注應移于上
文阿拉港言水
有汶也之下

所築堡周 渡塔里木河 忽嶺南北河下開河合流於溫

約里許 流至此會其奇達里雅折南二百餘里又東瀕為羅布

淖爾水經注所云大河又東會敦堯之水東注潯澤者

也塔里木同言可耕也然羅布各都盡居下流當播種

時上游庫車迪西各邑過流入渠河水淺涸艱於分調

秋間上游各邑洩水入河又苦泛溢地勢不善可畱為

漁獵遊牧之所若盡闢為田則濬渠築防歲起大工所

費倍蓰於 四十里七克里克莊 七克野麻也里克有也

忽騎忽槎六十里特里昆五十五里阿不旦莊又東南行

一千四百里入古玉門至敦煌縣詳十一月初十日記

莊南涉水 于闐之卡嚕河東北流至此會塔里木河水

澤者 四十里羅布邨 有二十一家 四境多沮洳卽蒲昌

海之西畔古稱牢蘭海 樓蘭之 今回語曰喀喇布朗庫

爾 言黑風海子也 蒙古語曰羅布淖爾 淖爾言聚水澤也羅布

西域記納縛波之河水至是伏流者也水經注蒲昌海亦稱鹽澤河水

之所潛而出自羅布邨南行鹽水泥淖四十里得平沙於積石也

堅鹵又一百里卡克里克莊古樓蘭也東南通古陽關西通于闐均詳

十一月初南阻阿勒騰塔克阿勒騰猶言阿爾坦黃金也塔克山也或作阿里哈

屯東南行一百里磨朗湖又一百里阿武喇司布拉克

一百里特必達坂五十里闊什塔石五十里一立必契

曼六十里噶斯池一名削爾浣回語澤曰庫爾急呼之為浣也東南通青海西南詳十月十

三日折南六十里哈布圖布拉克亦名哈喇六十里察

罕得勒蘇垓一名奇六十里噶順回語烏宗頭康熙五十

斯口無可駐兵之地分兵四營駐察罕烏蘇參領欽第山等駐噶順可通色爾騰一百里噶斯

山南口

一名屈莽山一名羌開爾東南地名得布特里康熙五十四年鑾儀使董大成戍此為青

海邊境

東南至青海十三程道經柴達木川即漢書之姑羌國也折西南一百二十

里巴什托垓一百里墨土勒可罕一百二十里汪八扣

什坎至勒謝爾烏蘭達布遜山

有鹽海一接前藏界矣名庫木浣

距布達拉約一月程

初三日出吐魯番西門

四里回城

安集延舊所築

入東門

與古

有巡檢

一里出西門有邨樹田疇

南有山四里過一渠水

六里踰土橋

二里渡小水

一里道南有泉

二里左

有井

三里入沙磧

一里下高坡三層

即雅爾尾

二里雅爾

河寬四五丈水側僅漸凍二三尺上滿即白楊河過此後東南流二十餘里伏於沙

斜行石灘車

播甚 二里升陡坡化過西北過土溝行浮沙 二里下坡

一里經乾溝中上坡 二里下坡左右小阜皆扁圓所累如餅蓋上古洪水

濺漫而成 四里細流橫道有岔路 三里降 一里升 十一

里踰硜硜溝泉出土壩下西岸旅店一無民居計行五十

二里蒙古語曰根特克漢人訛為硜硜溝舊設蘆溝驛今廢驛使繞由托克通小草湖也

初四日雪西行 一里半升坡 一里半行培壟間 十

九里登降六次行鹽山口破屋一所二十四里頭道河細流成冰有廢

人無又名雙岔河子南有歧路通托克通西北行平曠 十三里下

坡 五里三角泉一名哈必勒罕布車店一四圍沙磧南

山下出泉成溝有草地數里皆旱蘆及拳曲之短茨俗呼刺疙瘡間有蓆具草或作思

緩行故閱十四日乃至此道蓋今
白楊河東北經四道橋之路也

初五日白白楊站西入峽 四里出峽升陡坡又西多黃

沙梁登降坎坷 三里東北下坡踰溝緣沙梁行 四

里折北越十餘丈之坡又北多培塿 十五里復入峽經

溝中石磧 四里溝水淙淙流急不冰繞行曲岸有荒草 三里

後溝土屋三間茨棘爲籬行人饋焉後溝南七十里小草湖驛又一百里托克

避爲南北負齊克達坂衆語嶺曰達巴天山一幹也肅韻

里行程記以此屈曲而登衆車更迭加驂 七里至嶺嶺

爲博克達坂 小隴陁中旋下有修路碑已仆 六里臨峻坂針約四 繫馬車後

人挽之徐降車橋不可坐徒步攀援行行且止 八里坂

盡出峽道左荒店一家 半里下坡 半里涉二澗寬丈餘深

三有邨墅草木 一里半經廢堡周約二里同匪所築又渡澗二崖

下有汛卡循山迂繞 一里半下坡過溝 一里石磧中

有廢壘 三里折西南 二里達坂城驛化進住南門外店

街上四計行六十四里此地舊名喀喇巴爾噶遜蒙語黑虎城也

乾隆四十七年築嘉德城周三里半同治中陷於亂回光緒三

年春大軍由北路進攻以炸礮轟破雉堞皆平今駐噶遜

營守備俞氏西域考古錄以此為唐之蒲昌縣李氏西域圖考卷三謂蒲昌縣在鎮西之喀順溝卷四又以

嘉德城為蒲昌縣皆非也辨見上和瑛三州輯略以齊克達巴罕為王延德所過金嶺余按延德度金嶺後一日

即至北庭唐志金沙嶺距北庭僅百六十里北庭故城在今濟木薩東北余故疑延德所歷係溯白楊河東北四道

辛卯侍行記卷六

卷六

橋出山卽至濟木薩如以齊克達坂爲金嶺則必西北釋
迪化折東經阜康乃至北庭是距金嶺六七十里與前史所
言形勢不合嘉德城四面皆山有險可扼惟地氣極寒
東北百餘里三角山有銅鑛用總回三百人淘挖每銅一
斤合銀二錢六分仍不敷經費城西南四十里有鐵鑛新
鑛多用俄鐵價廉質精華人所治工本鉅銷路滯苦於賠
累不敢開采

初六日晴大風奇寒卯刻自迪坂城西北行有草十里入

戈壁折西十里偏西北二里得草地一區望見南山

麓白波如鏡蒙語達布遜渾爾漢人呼鹽海子七里皆

沙磧二里破城子只廢屋得土壤有細流橫道皆向南

入海子四里半又一橫渠頑石截車風力更猛颼颼聒

耳胸煩腦暈六里半土墩子墩在北坡其大荒店一

小憩窮民取鹽於此

祁氏萬里行程記達坂西南火光燭天乃煮鹽者爲之余詢之土人謂海

昨水浦撈其汁卽成鹽無庸熬煮四里抵鹽海西畔之北

南方火光乃山煤自焚至今尙然二里半有平沙劃海爲二中有一徑通南山三里望

見第三海子八里馬蘭灘草地一段東北山內有乾溝小銅溝大銅溝均

產銅一里半第二海盡十七里得土壤道右有獨樹南山

下又一澤俗呼柴鄂博海子傍海西北行七里柴鄂博

驛住店土屋五六家有草無木井泉在西計行八十五里南望海子似甚近趨赴之千餘

步力乏未至蒙語呼鄂門淖爾又稱昂古圖爾淖爾謂淡

黃海也東西長二十餘里南逼高山乍視疑相距數里實

則南北寬十餘里也萬山中隱此窪地夏秋融雪匯注成

海漲時合爲一湖時分爲二三旁無支流潛滲沙底灘渚

停汎易成鹽鹹塞外多如此各省鹽引定地分銷商負重

累價昂鹽劣民間利食私鹽於是梟販充斥論者謂鹽之

產場猶穀之產地當就場定稅不問其所之某尚書駁之曰穀所在皆有鹽惟產於九省任其所之則僻壤者皆淡食而鹽鹽皆死於場不知稅之何出矣云云余按僻壤產鹽者不少商賈趨利不憚梯山航海何勞官爲定地某尙書學問淹博而論事如此殊可怪也

初七日丑刻飯寅刻行 十六里海子盡 十里顏垣一

堵四旁四里道左有廢屋 三里有席具草 疏而短小因土多峭嶮也

七里大鹽池在西南 稅局舊設鹽池驛 十里芟芟槽土屋三間

憩於帳棚南北皆山無草木無民居有土阜上圓下方中空同教阿渾之墓也名曰拱拜其徒常往誦經

撫標中軍參將甯鄉湯曉峰秀齋署迪化府事長沙黃芸

軒丙焜署迪化縣事善化黃厚吾袁及候補諸文武來迎

吐魯番王瑪木特有事在省城亦來迎食後北行 十里

升兩坡過西陂陀迂曲頑石撼輪地名羊腸溝冬令雪深風猛甚或

吹失十二里下坡冰雪堅滑車行甚艱小鹽池有防卡無民居七里道

石土屋三始見邨樹地名十戶鄉民具茶果鞭礮相接十

里南梁又西北小廟當道額曰普渡撫標將士在此接

三里南關家君詣官廳護理撫臺邵陽魏午莊光燾署

藩臺恩施饒子維應祺鎮迪道兼按察使銜零陵周子巖

崇傳行請

聖安禮從者先行一里進迪化南門二里經大街轉

東至巡撫牙簽押房臥房及僕從多住二堂左右餘屋多空閒計行九十五里自哈

密咬牙溝至此行新省從四月迄今東西奔走共一萬一

千二百三十三里

初九日己亥 家君接受巡撫關防距知迪化州時十有

二年

是日接喀什噶爾道李宗賓稟報英國北印度格爾里格陵副將刁勒率兵伐坎巨提回部坎首賽必德艾

里汗於十一月初戰敗屢由宗賓照會印度總督理諭即據稟咨達政府

迪化府即烏魯木齊漢為卑陸

西域傳治乾當谷戶二百二十七疑在今迪化東南

喀喇巴爾噶遜山中嘉德賊

卑陸後國

治番渠類谷戶四百六十二東與郁立師北與匈奴西與劫國

南與卑師接今省城當博克達山之西雅瑪拉克山之東烏可克山之北紅山之南疑即古番渠類谷漢書所謂南

接卑師者是指卑師前國李光廷漢西劫國

治丹渠谷戶九十九疑在

域圖考列卑陸二國於阜康北恐非

今迪化西南郁立師治內噉谷戶一百九十東與卑師後

太平渠等地以上四國毗連纂修西域圖志諸官謂皆在阜康縣城按以上四國毗連纂修西域圖志諸官謂皆在吐魯番東森尼木等處則與漢書北接匈奴南接卑師之

言不車師後國治務塗谷戶五百九十五後漢書自車師

符金滿在務塗谷中也舊唐書地理志以庭州金滿縣為漢

車師後王庭漢金滿之名既治稱至唐則唐以役亦呼金

滿可知惟吐蕃回鶻相繼據有文字不同輟轉滿語遂譯

為齊木薩此三字急讀之與金滿同乾隆四十年駐防大

臣索諾穆策凌於古城之西得殘碑有金滿縣令等字齊

木薩在古城西九十里蓋漢之金滿不必在今齊木薩城

而在古城阜康之間齊木車師後城長句奴傳作後成長

薩河流左右則無疑矣師古曰後成車師小國名也長其長帥也車師都尉十漢

西接郁立師疑在阜康縣東滋泥泉等處也車師都尉十漢

書列後國後城長之聞今不能確指何地也西域圖志纂
修官以連木齊木為後城長國以雅圖庫為都尉國皆在
吐魯番東保康按後城長與郁立師為鄰則亦蒲類榆谷
北接匈奴若云在吐魯番似與漢書方向不合蒲類榆谷
戶三百二十五其治在山谷是不在蒲類海旁新唐地志
伊州下自蒲類縣百六十里至北庭都護府是蒲類居庭
州東疑在今奇臺縣木壘河西木壘即蒲類之轉音也西
域圖志以迪化為蒲類前國則在庭州西與新唐志形勢

不符又按以漢書蒲類與車師後國去長安里數相較蒲類在車師後國東五百九十里以去都護里數相較蒲類在後庭東北一百五十里更以後漢書去洛陽里數相較蒲類在後庭西北八百七十里二史均指疏榆谷言山谷有定所而乖猶若此則二漢西域傳里數難盡信也徐松西域傳補注謂疏榆谷在焉耆北三百餘里蓋據後漢書蒲類東南去長史之文也然後漢書方向亦有誤如焉耆北去長史所居八百里豈可據此而謂焉耆在吐魯番南耶蒲類後國戶百疑在單桓在今昌吉縣烏食營離婁谷戶四十一東與單桓南與且彌西與烏孫接疑在今昌吉縣西之呼圖壁呼圖之音近於烏食西城國志謂單桓在阜康縣東烏食營離在阜康縣治按以阜康為烏食則西不能與烏孫接矣徐氏西域傳補注言烏食在博克達山中則其南之且彌常移置吐魯番其西亦不接烏孫且徐氏又言且彌在裕勒都斯則博克達山安能南與之接耶東且彌治兌虛谷戶百九十一後漢書云東去長史八百里蓋在柳中西北八百里也魏書且彌在車師北疑在今昌吉縣西且彌治于大谷戶三百三十二疑在今南格欄國山北且彌昌吉西南呼圖壁南劉家溝等處

西域圖志謂二且彌在關展金嶺之北則當十三國地合
柳中東北與後漢書東去長史之文不符
三國僅二千七百八十三戶或問漢書謂卑陸劫二且彌
皆在天山東今何以列諸北路答曰按漢書云天山東者
實指山之東北也古人言簡耳夫質疑者以可信之事爲
證卑師後庭在濟水薩河旁確而可徵漢書謂郁立師東
接後城長西接卑陸則卑陸後國當在山北迪化矣漢書
又言卑陸後國之西接劫國劫之西不言接何國然又明
言分卑師後王之西爲烏食紫離烏食西即烏孫而烏孫
東境抵焉耆之北當今綏來縣地則烏食紫離必在呼圖
壁矣烏食東之單桓在昌吉可知矣昌吉距迪化僅九十
里故劫國必在迪化西南與單桓接壤也二且彌在烏食
南故斷在呼圖壁迪化南漢書里數或不足憑所言東西接
界尙可依據若移卑陸劫二且彌於山南則卑陸東之郁
立師安能東接後兼有匈奴屬地
城長北接匈奴耶兼有匈奴屬地
沙磧皆匈奴地蓋城郭之國及烏孫國東境
守險要遊牧之國居平曠也及烏孫國東境
接烏孫水經注焉耆之北敦薨之山在匈奴之西烏孫之
東是二國分界在焉耆北綏來縣適當其處李氏西域圖

考以緩來爲鳥武帝之世山北皆車師國地一稱姑師史記

貪皆離非也大宛其王居北境石城中屬於匈奴元封以後三擊車師

傳未拔其都也元封三年趙破奴天漢二年開陵侯征和四年復遣開陵侯伐車師昭帝時匈奴

發騎田車師見漢書宣帝地節三年鄭吉自渠犂發諸

國兵攻石城鄭吉傳破車師兜訾城車師王烏貴降破其旁蒲類金

附以媚漢頃之烏貴奔烏孫單于復以車師王昆弟兜莫

爲王收其餘民東徙見匈奴傳鄭吉將田卒保車師城單于屢

爭之元康中上與趙充國議欲擊匈奴魏相諫止乃遣長

羅侯常惠將張掖酒泉騎出車師北千餘里揚威武胡騎

引去鄭吉還渠犂屯田立軍宿爲王盡徙其民居渠犂漢書

渠犁東北接尉犁西有河武帝置校尉屯田水經敦薨之水自尉犁國西出沙山鐵關谷西南流逕連城引注焉田又屈而南逕渠犁國西又東南流逕渠犁國又南注于河按今喀喇沙爾西南一百一十里至哈爾哈阿滿山南臨海都河驛道負山傍水曲折二十餘里殊險蓋古之沙山鐵關也出峽十里至庫爾勒有漢回二城漢城在驛道北也南三里爲回城海都河逕其間兩岸皆沃土蓋連城之地也又西南流百里爲布它湖南溢爲其奇河折東南流一百餘里至其奇驛去年創設驛舍及渡舟北距庫爾勒城南四十里有哈浪坦莊城西南二十五里有哈拉巴勒城南四十里有哈浪哈拉疑皆渠犁轉音漢渠犁故國蓋在二莊多良田哈浪哈拉疑皆渠犁轉音漢渠犁故國蓋在二莊間矣其奇驛南踰其奇河三十餘里有庫車來之英氣蓋河又東南四十餘里有捐干河又南卽塔里木河四水並自西而東英氣蓋河南設和拉里驛西北距其奇驛七十五里和拉里東有大澤曰神庫里海子夏漲冬涸驛道出澤中隄橋斷續泥淖森漫其奇英氣諸河正流東逝盛漲之時山沖庫里蘇澤汎濫分波南通塔里木河水經所謂渠由渠犁南注于河者也徐松不知其奇諸河之棄車師洞環乃指水逕渠犁國西句爲訛重証古人矣

地與匈奴於是分爲前後王

其車師都尉國後城長國戶口無多蓋附於後王

及

山北六國

蓋指卑陸劫國郁立師蒲類單桓且彌等又日後分

裂者也觀班史山北六國匈奴益信卑陸劫之不在南路矣神爵三年匈奴日逐王降先

賢揮率萬二千人隨鄭吉至河曲

鄭吉并護北道元帝時匈奴茲力支降

徙居後王之西分爲烏貪些離國

不在六國內

始設校尉平帝

元始中校尉徐普欲開新道後主姑句不肯

匈奴傳作句姑

斬之

新莽建國二年後王須臾離謀叛校尉刁護械送埒婁城

時都護所居在渠犂河曲之內又魏書焉耆有柳墮城按此二城名皆與今庫爾勒之音相似

都護但欽

誅置離餘眾召匈奴來寇殺後城長而還

以此見後城長在後國之東

將吏內亂攻殺刁護舊士卒降匈奴東漢之初郁立單桓

烏貳些離為車師所滅後復立時稱前後部東且彌卑陸

蒲類移交為車師六國

見後漢西域傳與前漢所稱山北六國不同

兩屬於漢

及匈奴明帝永平十七年匈奴既敗竇固耿秉合兵萬四

千騎出白山

明帝紀出蒲類海

擊車師後王迎降

時後王安得之子為前王亦降

以耿恭為戊校尉屯後部金滿城

西域傳作金滿耿恭傳作金滿城章懷注車師

後王城延今延州蒲昌縣也余按注當作後王廷城今庭州金滿縣也傳寫訛耳

十八年春北單

于遣左鹿蠡王二萬騎破殺後王安得

疑此時後王所居在金滿以東而

攻金滿

恭以毒藥敷矢中瘡皆沸遂解去

恭因疏勒城旁有澗水引兵據

之

此天山北之疏勒城非葱嶺北之疏勒國也水經注引耿恭傳於疏勒國下謬也

七月匈奴復

來攻擁絕澗水死亡殆盡

傳稱恭拜井出泉煮弩為糧

章帝建初元年

援兵迎還詔罷校尉和帝永元二年竇憲破北匈奴後王

遣子奉貢復置戊部候

即戊校尉也馮衍傳子豹和帝初數言邊事奏置戊已校尉復舊職

八年後王叛

擊前王

九年西域長史王林擊斬後王安帝永

甯初後王軍就叛殺部司馬

戊校尉所屬

及敦煌行長史索班

延光四年班勇擊殺軍就及東且彌王自是恆助漢擊北

虜桓帝永興初後王阿羅多與戊部候嚴皓不相得攻漢

且固城屯營浸以疏慢三國時東西且彌單桓卑陸蒲類

烏貪并屬車師後部治於賴城

疑即烏貪國之干婁谷

魏賜其王章

多羅王印號大都尉

三國魏志注引西戎傳惟改卑陸蒲類為卑陸蒲陸

晉屬鐵勒

魏書北史皆云高昌北為鐵勒界

亦曰高車

北史高車亦狄之種也初號狄歷北方以為高車丁客按

狄歷卽鐵勒是高車與鐵勒同類今新疆西北哈薩克部族最繁土人但呼曰哈薩余又疑漢之康居晉之高車唐之可薩今之哈薩皆一音之轉也高車初從屬於蠕蠕北魏孝文帝太和

十一年其主阿伏至羅叛往前部西北自立爲王遣使朝

貢宣武帝永平元年阿伏至羅從子彌俄突敗蠕蠕主伏

圖於蒲類海北殺之孝明帝熙平初伏圖之子醜奴攻殺

彌俄突部眾悉入嚙噠魏書嚙噠大月氏之種亦曰高車別種在于闐之西都馬許水南按

馬許乃烏許之訛卽氏罕河也旣而彌俄突弟伊匐復國神龜三年復大

破蠕蠕其王婆羅門走涼州正光中伊匐爲弟越居所殺東魏靜帝

時伊匐子比適殺越居尋并入蠕蠕後周屬突厥然居斯

地者仍鐵勒種人也北史鐵勒傳伊吾以西焉耆之北傍白山則有契弊薄落諸種隋大

業中西突厥處羅可汗始大名達漫居烏孫故地鐵勒諸部皆臣之

處羅徵稅無度鐵勒叛其推契苾即契部哥楞人為易勿真

新唐諸夷蕃將傳作易勿施莫賀可汗北史作莫何居貪汗山北魏書隋書皆云高昌

北有赤石山又北為貪汗山即今天山也西突厥射匱可

汗復強葉處羅敗之大業七年處羅降隋契苾部去可汗號以臣之詳舊唐書

鐵勒鐵勒回紇之屬東突厥者分統於阿史那社柰東突厥處

羅可汗名俟利弗失之次子唐貞觀初社柰為其下所敗西保可汗浮

圖城今濟木薩城南二十里有唐千佛寺故址疑即浮圖城地亦即漢之務塗谷也會西突厥統

葉護死射匱弟也二汗分王拏闐不解社柰襲之得其半國蓋

州地也自號都布可汗北討薛延隨北史鐵勒傳金山西南有薛延隨蓋今阿爾泰

山大敗走高昌九年率眾內屬

向公主處其部於盛州詳舊唐書社余傳及新唐書

將阿史那彌射嗣為莫賀咄葉護

西突厥以庭州北地為其賀咄葉護其官名也

與族兄步真有隙十三年率所部處月處密入朝步真自

為葉護部落不服亦入朝於是乙毘咄陸可汗

名欲谷設居碎葉水

西新唐書地志卷四十渡伊麗河至碎葉界西行千里至碎葉城又龜茲傳云凌山西北五百里至素葉水城城西

四百里至千泉突厥可汗避暑其中西羸百里至怛羅斯城按今伊犁府西九百餘里至阿拉瑪圖即俄國七河省

也又西北四百八十里寬斯延諾甫一名吹司卡雅出此渡吹河古碎葉水也西南四十四里皮什撒克城疑是

碎葉城舊地又西三百八十七里庫木阿雷克疑即千泉又西二百里奧列阿塔城當塔拉斯河下流疑怛羅斯故

城在此東南其地屬俄之色爾達里雅省今西使阿史那人呼圖爾給斯坦即唐人所云突騎施庭也

賀魯為葉護居邪羅斯川二唐書突厥賀魯傳皆作居多遷斯川在西州直北一千五百

里余按多羅斯卽怛羅斯逼近可汗庭必不以之分封況在伊犁西北二千餘里與西州直北句無悟茲據新唐書之額爾齊斯河下流名也兒的石河元秘史作額兒的失河蓋皆耶羅斯之轉音十四年侯君集討高昌欲谷設使葉護屯浮

圖城與高昌響應地理志聞高昌滅懼而降俗號五城之

地舊唐志有五城二十一年置庭州領金滿漢車師後庭地

二十里護堡子莊有古垣甚寬俗謂唐城遺址中有子城

出泉成湖多小魚城西一大墩中有一穴民呼風神洞祭

之祈免輪臺元和志輪臺縣東至州四百二十里今本作

風災輪臺四十二里傳寫誤也以新唐志及寰宇記校

之自見新唐書者傳詔焉者竄茲疏勒于闐征西城賈由北道者輪臺征之則輪臺縣在天山北元耶律楚材西遊錄別石把城西二百里爲唐輪臺縣又云別石把在高昌北五百里長春真人西遊記憶思馬西三百餘里有縣曰輪臺據此知唐輪臺縣常在今迪化之北古牧地左右方輿紀要謂漢唐二輪臺均在庭州西域國志列唐輪臺於

漢輪臺故蒲類元和志南至州十八里實字記州東八十里皆誤里皆傳寫之誤新唐志蒲類百六十里至北庭隊陽公此節於伊州西北道里言之甚詳較為可據蓋在今木壘河西九十里舊奇臺城地三縣賀

魯仍有耶羅斯川二十三年為乙毗射匱可汗所迫乃內

屬置瑤池都督府以賀魯為之處庭州莫賀城賀魯初為莫賀咄葉護而此曰

莫賀城當在庭州之北與耶羅斯相近疑即布倫托海故有瑤池之目方輿紀要謂莫賀城即沙鉢守捉不知何據

高宗永徽元年賀魯與其子吐運叛而西盡得咄陸可汗

之地自號沙鉢羅可汗以吐運為莫賀咄葉護退寇庭州

敗數縣以此知莫賀城距庭州尚遠也舊唐高宗本紀永徽二年賀魯寇陷金嶺城蒲類縣三年詔

將軍梁建方契苾何力為弓月道行軍總管合回紇騎五

萬擊之刺史駱宏義獻計請寬處月處密等罪專誅賀魯

發射脾處月等兵齎一月食急趨之大軍住憑洛水上為

之助此舉戎狄攻豺狼也處月朱邪孤注附賊據牢山建

方攻之追五百里不如宏義所計新唐西突厥傳永徽四年罷瑤

池都督即處月置金滿州沙陀傳射脾侯斤沙陀那遠不從以賀魯所領授之即處月地

置金滿沙陀二州又云處月在金婁山陽蒲類之東則金

滿州在今鎮西縣北非庭州之金滿縣也侯斤猶準部所

稱昂吉也處月種人甚多其隨賀魯於伊麗者別是一族

沙陀傳所云突厥西部治烏孫故地與處月處蜜雜居者

也顯慶元年遣盧國公程知節即薩金為葱山道行軍大總

管率五將軍進討知節擊敗歌邏祿即葛邏祿在堅昆南金山之西據此見知

節踰阿爾泰山矣及處月副將周智度拔處木昆城或作觸木昆疑即堅昆之

族前軍蘇定方擊敗賀魯別部鼠尼於鷹娑川前人謂是喀喇沙爾

西北之裕勒都斯河余按處木昆在阿爾泰山西知節統
軍在彼舊唐書蘇定方傳云定方至鷹娑川去知節十許
里此川必在科布多西疑今喀喇額爾齊斯河烏龍古河
之類也庭州屬唐莫賀咄在直北唐兵白天山北來賀魯
豈南越庭州而拒副總管王文度害其功勸知節收兵屠
之裕勒都斯耶
恒篤城疑在塔爾巴哈臺北明年擢蘇定方爲伊麗道行軍大總管
率燕然都護貞觀二十一年置領瀚海泉任雅相副都護
蕭嗣業瀚海都督回紇婆閏據此可知定方及彌射步真
等窮討分出金山道仍由阿爾泰山先破山北處木昆部後以爲
督定方進至曳咥河舊唐定方傳云進至突騎施部按曳
府咥河蓋也兒的石河之在俄屬斜米
省北者也唐兵窮討至此其地賀魯率十姓兵十萬拒戰
屬西突厥故云至突騎施也
大敗之嗣業婆閏趨耶羅斯川追虜賀魯自東北走西南此川疑卽也兒的石

河上游之在斜米省南齋桑湖畔者也定方乘雪晝夜兼進至雙河疑在精

塔拉河與彌射步眞會賀魯跳度伊麗水再破之於碎葉水禽之於石國

庭州以安增置焉洛州元和志焉洛鎮在府西三百七十里新唐志庭州西延城西六十里

有沙鉢城守捉焉洛守捉二說不同余按西延輪臺州疑城疑是後庭城沙鉢焉洛蓋皆在阜康縣東

唐輪臺叱勒州地志焉洛西八十里有耶勒城守捉疑縣北在阜康或卽耿恭所守之疏勒城也各

都督府分治庭州界內更有鹽泊州疑近宰桑淖爾統隸於安西大都

護府龍朔二年西突厥復寇庭州刺史來濟戰沒因諫立武后貶

武后長安二年於庭州設北庭大都護府以諸蕃州都

督改隸北庭並置燭龍軍明年改瀚海軍與庭州同城唐兵戍邊者大曰

軍小曰守捉曰城曰鎮皆有使總開元二年東突厥默囁之者曰道有大總管更曰大都督

可汗遣其子圍北庭都護郭虔瓘禽斬之二十一年置北

庭節度使

防制突騎施堅昆統瀚海天山伊吾三軍兵二萬人又按庭州民九千九百六十四口兵多於

民天寶中增清海軍

庭州西七百里疑在今綏來縣城北二百餘里之青水河左右肅宗

寶應元年改金滿曰後庭縣

此據元和志而寰宇記謂貞元中改新唐志以蒲類縣改

後增設西海縣

未詳所在今綏來西北青水河北之青水峽有唐朝渠近阿雅爾淖爾疑是西海縣

地代宗大歷六年復於輪臺置靜塞軍時吐蕃既侵河隴

惟李元忠守北庭

與沙陀回鶻相依吐蕃久攻之不下德宗建中二年元忠

遣使入奏詔以爲節度

地理志假道回鶻以朝奏因附庸焉

興元之初借吐蕃兵討朱批許賂以安西北庭李泌不可乃止然唐實不能撫治其地回鶻徵求無

厭葛祿部白服突厥憾其侵掠而吐蕃厚賂誘之遂附吐

蕃貞元五年入寇北庭及沙陀皆降

時沙陀部落六千餘帳依北庭其酋即金

滿州都督名盡忠

節度使楊襲古奔西州葛祿取浮圖川回鶻遷

避遂屬吐蕃懿宗時回鶻大酋僕古俊擊逐吐蕃自是屬

西州回鶻後唐為契丹所破

遼史太祖天贊三年拔浮圖城盡取西鄙諸部時後唐莊

宗同光二年也

宋為高昌北庭臣服於遼南宋時屬西遼元太祖

十四年

宋肅宗嘉定二年己卯也

西征過此

阿剌瓦而思傳從帝親征既破瀚海軍又攻輪

臺高昌

稱回鶻別石把地

耶律楚材西遊錄金山南有回鶻城名別石把有唐碑所謂瀚海軍

也城南五百里有一

名鼉思馬

長春西遊記鼉思馬大城回紇王部族勸蒲萄酒列

伎樂皆中州人侍坐者有僧道儒曰此大唐時北庭端府

景龍三年楊公何為大都護有德政按端府即都護府之

合亦曰別失八里

歐陽元高昌僕氏家傳北庭者今之別失八里城按今濟木薩城東北四十里

有舊城曰伯什特勒克土人謂濟木勝北境縱橫六七十里準夷概呼伯什特勒克言地美如酥也余疑伯什即別石籠思別失後爲別失八里行省之北境元史憲宗本紀之對音耳

刺海麻速忽等充別失八里等處行尚書省事明史西域傳別失八里南接于闐北連瓦喇或曰焉耆或曰龜茲元設元帥府以諸王鎮之云云按別石把回鶴城在天山北別失八里元帥府則在天山南喀喇沙爾二地同名也

北庭都護府西北境吐魯番地不在唐之庭州至元十七年設於畏吾兒今元末強

臣猛可帖木兒據之蒙古人也爲瓦喇國後分三酋明永樂七

年封馬哈木爲順甯王太平爲賢義王把禿孛羅爲安樂

王歲一入貢馬哈木最強時元主本雅失里居漠北馬哈

木襲破之十二年越瀚海東侵成祖親征大破之於忽蘭

忽失溫明年復貢馬謝罪未幾死子脫懽嗣英宗正統初

并三部爲一欲稱可汗眾不可乃自爲丞相而奉脫脫不

花爲元主四年脫懽死子額森

先即也

嗣稱太師淮王役屬

哈密及諸蒙古十四年入寇大同英宗親征被虜史所稱

土木之役也景帝景泰初額森弑脫脫不花自爲可汗四

年遣子入朝書稱大元田盛大可汗明帝報書稱瓦喇可

汗尋被殺英宗天順中額森之孫阿失帖木兒嗣爲酋率

宗宏治初又分二部皆稱太師統於其酋小列秃土魯番

據哈密巡撫許進以金帛厚啗二部助攻

明史瓦喇傳稱許進以金帛啗

二部許進傳小列秃與土魯番世讐進厚結小列秃使以四千騎殺賊以此知二部隸於小列秃而小列秃實爲瓦喇大酋疑是阿八年小列秃戰死其子卜六阿歹討賊效失帖木兒之子

順武宗正德中有卜六王者疑卽卜屯把思關前明人呼

把思世宗嘉靖時爲吐魯番所敗其部內又輒自殘卜六

王欲內附未果不知所終然瓦喇國至萬歷時尙存西番諸衛

傳萬歷二年鞏勒酋順義後分四衛拉特居烏魯木齊者

一稱委魯母天下郡國利病書引西域爲和碩特部相傳

土地人物略土魯番西北有委魯母太祖弟哈布圖哈薩爾之後然元史明末顧實汗徙青海

諸王表無其人俞浩李光廷皆疑之

此地屬額魯特蒙古準噶爾準噶爾猶言蒙古左翼也

國朝康熙五十六年秋靖逆將軍富甯安由巴里坤襲擊

烏魯木齊至通俄巴錫踐其田而返明年復擊之準酋徹

格爾得率所部逃走雍正九年七月甯遠將軍岳鍾琪輕

兵掩襲偵知準夷西徙深入無益師行距烏魯木齊二口

程而旋乾隆二十年定西將軍永常進討庫本諾雅特遊

牧之昂吉

言分支也

噶勒丹多爾濟以烏魯木齊降

烏魯木齊蒙語謂捕

鹿圍場或云樞紐之處或云寬大牧地未知

防軍築一壘

孰是烏魯木齊舊地在今城北四五十里

周三里北地俗稱紅廟子今莫知廟所在二十五年夏陝甘總督楊應琚奏設

烏魯木齊同知

裁漢中府同知移設

隸於安西道

駐哈密

二十八年於

舊壘之北築漢城

賜名迪化

阿勒塔齊河下四分門四

賜名東曰惠孚西曰慶豐南曰

肇阜北曰懋惠移安西提督駐之

由巴里坤徙此移駐茲大臣於雅爾

三十六年冬

伊犁將軍舒赫德奏設參贊大臣

駐滿兵三千餘人其領隊即參贊兼攝明

年於迪化西六里築滿城周九里三分在

賜名鞏甯

門四東承曦西宜

增理事通判

裁涼州理事明

年夏改參贊爲都統並設領隊大臣改巴里坤道爲鎮迪

道改同知爲迪化直隸州

初擬設迪化州屬鎮西府是年

均駐鞏甯城所轄昌吉縣

新唐志輪臺縣西百五十里張

張堡疑今縣西二十里元城子迪北古城也烏宰疑今呼

圖壁西二十五里五工台北之古城也元地志附錄有

仰吉八里及古塔巴卽呼圖壁也明人西域土地人物略

語謂城也古塔巴卽吐魯番西之庫木失驛哈刺哈失鐵城之北有苦他

城按昆迷失卽吐魯番西之庫木失驛哈刺哈失鐵城之北有苦他

喇沙爾則昌都刺苦他二城爲今昌吉與呼圖壁也

乾隆二十七年於昌吉河西築甯邊城周五里三分駐通

判三十八年改州四十年增阜康縣

同七月改知縣

漢金滿唐浮圖沙

鉢悉洛耶勒俱六

諸賊及神仙鎮地元別石把明墩刺城見西域土地人物
略國初名特納格爾急呼之即墩喇也乾隆二十五年
設縣丞二十八人築阜康城周三里五分三十八四十三
年改駐州判四十一人改知縣並設濟木薩縣丞四十三
年增緩來縣馬納思河地志附錄作彰八里長春西遊記
作昌八喇今縣東三十里有準部廢城乾隆時名陽巴勒
噶遜即昌八喇轉音也何秋濤以昌吉縣爲昌八刺非也
乾隆四十二年於瑪納斯河東十五里築康吉城稍南築
綏南城皆周三里二分兩城間築牆六十五丈九尺關門
曰靖遠關復於兩城南北各築邊牆長二十里知縣與副
將左營都司駐北城右營都司駐南城同治中毀於兵燹
光緒十年重築縣城并兩城咸豐五年割鎮西之奇臺縣
爲一靖遠關及邊牆皆廢矣
來屬唐蒲類縣有蒲類鎮及郝道藏泉特羅堡元有獨山
城雍正十年岳鍾琪築木壘城周六百八十丈尋卽
廢棄在今木壘驛南五里乾隆二十年設奇臺堡通判三
十七年別築木壘城周二百四十丈在木壘驛西南四十
里俗呼東城子今廢三十九年於唐城旁建平遠城周七
百六十丈俗呼古城四十一一年設奇臺縣裁通判四十四

年改奇臺堡為靖甯城周二里七分光緒五年重築奇臺
城八年於古城東北築新滿城仍號古城十五年徙奇臺
縣治於古城移同治初年關隴道梗輸將不繼滿漢各營
巡檢於奇臺

歲需經費銀百餘兩自同治元年以叛將索煥章烏魯
後協濟斷絕就地所籌不及十分之一

不齊提與同教阿琿妥得璘回河州創亂旬分兵援庫車煥
標參將

章等乘間謀反二十一日戌刻援兵啟行亥刻遣勇朱一
貴告變提督業布冲額令煥章按其事誣一貴造謠惑眾

斬之遂無三年六月十二日據迪化漢城執久之乃死昌
告發者

吉奇臺諸客回響應片內地流寓九月初三陷鞏甯城都
統平瑞積火藥自焚署鎮迪道伊常阿投井均全協領榮

慶噶魯岱以下文武死者百一十四人兵民二萬餘人知

州孔昭妥逆僭稱清真王逆黨馬升等僞稱元帥分據綏
恆跳走

一

來吐魯番等處於迪化南五里築僞王城五年六品軍功
徐學功收難民團練南山馬升攻之而敗學功縱反間妥
逆遂殺馬升以馬泰爲僞帥七年二月馬泰東攻鎮西廳
學功乘隙劫賊壘取食時滿漢二城皆墟民勇懷械寡得
城適自困棄城保屯營累與賊戰署巴里坤總兵何瑄奏
其狀敘績有差九年十月安集延之帕夏阿古柏卽胡什伯克
擊降迪化諸賊削其僞號禽斬馬泰以馬仲先降使爲阿
奇木伯克令漢回皆出城削髮如纏回服飾索逆學功擊
斬馬仲其子馬人得代之人得與妥逆有隙引安夷攻僞
王城冬妥逆走瑪納斯安夷據迪化羣回不堪其虐十一

年春約學功入漢城揚言歸順其禦安夷五月戰敗學功

之弟沒於陣

是年夏景廉奏學功駐北渠幫同回酋馬明攻靜安集延羣回謀縛學功

以乞和學功遁免安夷戮諸酋馬明

馬泰弟鼠保古牧地安

夷攻之時都統景廉前軍至古城馬明遣使乞降謂欲伴

與安夷和請兵會攻景廉命以家屬爲質馬明之父不可

景廉以兵少姑屬廢之部將桂洪元張玉春欲邀功不稟命而往爲安夷所敗時六月初六日也

十二年

其黨執馬明降於阿古柏遊擊徐學功詣景廉軍受節度

屯營遂陷光緒二年夏將軍金順西甯道劉錦棠率滿漢

各軍由阜康西討纏回綳塞奇漢裝回王治等據古牧地

輯懷城大軍圍之三匝釐後膛炸礮迭轟之裂而未破健

賊假卧施槍瞭望者附樓如蟻錦棠命千總莊偉以炸礮

墮其樓三擊乃中土木紛飛賊眾駭走遂克之以此見城上不可建

樓迪化鞏甯昌吉諸賊皆棄城遁南山據嘉德城即喀喇巴爾噶

遜明年三月復以炸礮破之乘勝悉復南疆各城六年於

迪化舊城東北隅築新滿城周三里半其鞏甯舊城廢為八旗義家十年改

設迪化府竝迪化縣為新疆省治十二年罷烏魯木齊都

統徙滿營於古城統以城守尉以古城領隊大臣改徙提督於喀什

噶爾改築省城周十一里五分二釐毀迪化舊城東北兩

展築東南隅與西北隅合二城為一周二千有七十四丈


五尺門七東曰承曦西曰慶豐南曰肇阜北曰保惠東偏

南有新東門曰惠孚南之左有新南城內外流寓漢人回

門曰麗陽西偏北有新西門曰祿遠

人纔回男女一萬四千餘口散處四鄉者一萬九千餘口
東距京師八千四百九十四里漢書車師後國去長安八千九百五十里徐松改爲
八千六百七十里則距燕薊當一
萬一千餘里相懸如此不足據也

辛卯侍行記卷六終



述夫緼泥傳質黃墟彌西陷之區締几受圖白瑄貢南薰
之殿章亥數步運啟二龍鉗丙扈行塗周八駿履絢知厚
握矩闢圖洵地志之權輿抑圖經之嚆矢亦越騁生騰說
求域外之觀鴻烈寓言哆堅形之訓裴秀以朱絲作界六
體纂詳景鸞以綺歲從遊七州備涉皋牢郡縣元和吉甫
之箋彫績方輿貞觀賈耽之筆何徐代作各譜區寰陸鄧
輩興竝參機要架方繩丈謝希逸之心璣岳峙川渟鄺道
元之手注此皆慮牟岡宸經紀縣視曠宙合而爲胚運窮
荒於脉掌至若識拘畏壘見圓方隅岳陽風土之編燕吳
行役之記金城入貢式呈龍朔之圖桂嶺遙征始撰騷

之錄沂江淮而鼓枻記署南游依坊曲而受塵書成北戶
吳舫著錄蜀札名篇夥頤沈沈復平尙矣我

朝議乘旁昭儒流踵起櫟園閩紀擴撫維精雲汀蜀轄徵
引蓋博松亭行記高氏之著猶新皇華述聞阮亭之集間
出若斯之流不可殫述余友陶君拙存幼嗜邱索長志桑
蓬凡夫山川形要阨塞之故旣守根而據窮迄夫郡縣治
革僑立之由亦鉤沈而索逸蘊蓄夙富登頓逾遐歲丁酉
余遊子方尙書門下得讀辛卯侍行記蓋尙書巡撫新疆
時拙存隨宦作也昔孟陽侍父劍閣鐫銘元興省親常山
就學世英少數臺閣執事官儀紹遠隨行壽春遂嫻月令

以今方昔夫何間然特是記遊諸作文弊雜出綜其大旨
可得而言流連光景驅使烟雲王象紀勝之書潘岳述征
之賦平原赴洛長林振其遐思休瑒陟邛若華發其妍唱
元祐耆碩僅記名園廬阜花翁但詳遊屐夸說天台之勝
瀑布赤城侈談黃水之奇墨山顏壁非不足以極命草木
生色江山然而流觀庶類第供游目之資點綴太清殊近
書眉之迹謹髮易兒儀豪失牆此一蔽也自宛委揆奇夷
堅志怪濫觴不已承敷滋繇金馬碧雞之事子長不刪奇
鵠角鯉之名景純有賦槐眉刻石載書紀周乘之遺蒲昌
通河鑿空笑漢臣之妄賦名六合已屬大愚志列五行未

爲實錄藝文詳而疆域略大飢李氏之言鬼魅易而狗馬
難適如韓非之喻談空說有鑿險絕幽此一蔽也革襲之
鑿以訛承訛道里之繭得半失半常璩不免漏義張勃輒
多臆辭竇威指吳地爲東夷李璘誤竟陵爲封號江漢佛
寺良嗣疑其失真河南將軍安生信爲始祖黃初無二月
張同之贗奚疑天寶不稱年李元之書曷據譬之上林賦
荔何啻子虛驪山議瓜徒勞聚訟市將成虎歧且亡羊此
一蔽也流傳勝蹟不少虛車或王謝爭墩或崔盧易戶空
桐之地七孰爲問道之墟首陽之山五疇識采薇之所路
金祠古高郵之神女荒唐闢索名題大漠之將軍恍惚縣

圃三成之峻妄擬都侖廣陵八月之清竟移於越金山會
玉知越紐之無稽礮水投竿信渭璜之失實蚩尤之肩髀
分葬白汲之臂足清同此一蔽也祛此四蔽是生五辯涇
渭清濁稟

聖論之精積石大小補經義之闕釋豬野爲居延六事之
諧聲可證訓崑崙以喀喇諸家之龐說俱芟河羅水道派
別支分其辯一

承矩稻田限契丹之馬足唐卿地網

天水之龍鱗設險在人布利白昔論者欲復井田於周制
通溝洫於夏時何異新莽更生安石晚出其辯三秦晉既
多高山伊雒亦稱隘道使因車戰之說泥乘賦之經恐羽
陵載簡難迴七萃之軍斜谷乘祇易滯三皇之駕豈知止
齊步伐賴夾輔之公徒金鼓鐃聽登巢之號令補十家
之注闡三略之微其辯四詩歌走馬禮載鳴鳶任重致遠
繇來久矣或謂六經無騎字三代悉車徒則野井據鞍何
以見齊魯之郊隴谷礙輪奚自執汧渭之牧其辯五夫一
孔之儒半解自詡目論所及耳食滋多是固然矣然或位
列九能身行萬里虜庭奉使不識撐犁邏樓補箋竟忘沙

苑甚可愧也是書上承家訓間采土風成以二年都爲六
卷仿甲乙堅瓠之例同癸辛雜識之編歧途比附若幹之
有枝瑣事屢陳譬諫之用諷積由旬而數計堪披索驥之
圖從絕域而加詳略取續鳧之意旣付梨棗辱詢芻蕘馬
彪郡國征南據以解經太冲京都士衡爲之輟翰同時之
儒欽慕若彼余於拙存亦猶是云光緒丁酉季冬候官何
澤普跋

